





KEMENTERIAN PENDIDIKAN MALAYSIA



BAHASA KADAZANDUSUN TAHUN 5





RUKUN NEGARA

Bahawasanya Negara Kita Malaysia

mendukung cita-cita hendak:

Mencapai perpaduan yang lebih erat dalam kalangan
seluruh masyarakatnya;

Memelihara satu cara hidup demokrasi;

Mencipta satu masyarakat yang adil di mana kemakmuran negara
akan dapat dinikmati bersama secara adil dan saksama;

Menjamin satu cara yang liberal terhadap
tradisi-tradisi kebudayaannya yang kaya dan pelbagai corak;

Membina satu masyarakat progresif yang akan menggunakan
sains dan teknologi moden.

MAKA KAMI, rakyat Malaysia,
berikrar akan menumpukan
seluruh tenaga dan usaha kami untuk mencapai cita-cita tersebut
berdasarkan prinsip-prinsip yang berikut:

**KEPERCAYAAN KEPADA TUHAN
KESETIAAN KEPADA RAJA DAN NEGARA
KELUHURAN PERLEMBAGAAN
KEDAULATAN UNDANG-UNDANG
KESOPANAN DAN KESUSILAAN**

(Sumber: Jabatan Penerangan, Kementerian Komunikasi dan Multimedia Malaysia)

KURIKULUM STANDARD SEKOLAH RENDAH (SEMAKAN 2017)



BAHASA **KADAZANDUSUN** **TAHUN 5**

PENULIS

Patrick Jolius
Katia Mapaas
Jesseca Dunis

EDITOR

Rayner J. Francis

PEREKA BENTUK

Md Muzaimi
bin Said

ILUSTRATOR

Noorazlinawati
binti Hashim



DBP

Dewan Bahasa dan Pustaka
Kuala Lumpur
2020



KEMENTERIAN PENDIDIKAN MALAYSIA

NO. SIRI BUKU: 0005

KK 499-221-0102071-49-2842-20101
ISBN 978-983-49-2842-1

Cetakan Pertama 2020
© Kementerian Pendidikan Malaysia 2020

Hak Cipta Terpelihara. Mana-mana bahan dalam buku ini tidak dibenarkan diterbitkan semula, disimpan dalam cara yang boleh dipergunakan lagi, ataupun dipindahkan dalam sebarang bentuk atau cara, baik dengan cara bahan elektronik, mekanik, penggambaran semula mahupun dengan cara perakaman tanpa kebenaran terlebih dahulu daripada Ketua Pengarah Pelajaran Malaysia, Kementerian Pendidikan Malaysia. Perundingan tertakluk kepada perkiraan royalti atau honorarium.

Diterbitkan untuk
Kementerian Pendidikan Malaysia oleh:
Dewan Bahasa dan Pustaka,
Jalan Dewan Bahasa,
50460 Kuala Lumpur,
No. Telefon: 03-21479000 (8 talian)
No. Faksimile: 03-21479643
Laman Web: <http://www.dbp.gov.my>

Reka Letak dan Atur Huruf:
Menuju Puncak Supply & Services

Muka Taip Teks: Azim
Saiz Muka Taip Teks: 14 poin

Dicetak oleh:
Percetakan Nasional Malaysia Berhad,
Jalan Chan Sow Lin,
50554 Kuala Lumpur.

PENGHARGAAN

Penerbitan buku teks ini melibatkan kerjasama banyak pihak. Sekalung penghargaan dan terima kasih ditujukan kepada semua pihak yang terlibat:

- Jawatankuasa Peningkatan Mutu, Dewan Bahasa dan Pustaka Malaysia.
- Jawatankuasa Penyemakan Naskhah Sedia Kamera, Bahagian Sumber dan Teknologi Pendidikan, Kementerian Pendidikan Malaysia.
- Pegawai Bahagian Sumber dan Teknologi Pendidikan dan Bahagian Pembangunan Kurikulum, Kementerian Pendidikan Malaysia.
- Jabatan Pendidikan Negeri Sabah.
- Lembaga Kebudayaan Negeri Sabah.
- Semua pihak yang terlibat dalam penerbitan buku ini secara langsung atau tidak langsung.

SUANG

Ponogulu

iv

Kopomogunaan om Kotolinahasan do ikon id Buuk Teks

v – vi

TEMA 1

WINOUN SONDII

UNIT 1: Kaanangan Ku 1 – 10

UNIT 2: Sombol Ku 11 – 20

UNIT 3: Pogun Kaandasan Ku 21 – 30

TEMA 2

WINOUN TOILAN

UNIT 4: Kinoyonon Posorili 31 – 40

UNIT 5: Karamayan id Pogun Sabah 41 – 50

UNIT 6: Basaan om Kakamot
Pomogingo 51 – 60

UNIT 7: Omitai Tangawasi 61 – 70

UNIT 8: Kakamot Suang Lamin 71 – 80

UNIT 9: Pongindopuan 81 – 90

TEMA 3

WINOUN SUSUYAN

UNIT 10: Susumuni 91 – 100

UNIT 11: Momogompi om Mononduli 101 – 110

UNIT 12: Sandad Pogun 111 – 122

PONOGULU

Poinsuang do pakej buuk *Boros Kadazandusun Toun 5* nopo diti nga buuk om audio DVD. Sinuat o buuk diti tumanud do nuludan Kurikulum Standard Sekolah Rendah (KSSR) (SEMAKAN 2017) i winonsoi do Bahagian Pembangunan Kurikulum (BPK), Kementerian Pendidikan Malaysia. KSSR (SEMAKAN 2017) nopo nga poposotol nogi id limo kabaalan. Kabaalan nopo dii nga kabaalan Mokinongou om Moboros, kabaalan Mambasa, kabaalan Monuat, kabaalan Puralan Boros om kabaalan Kolumison Boros.

Buuk Teks nopo diti nga kisuang do 12 unit miampai limo kabaalan. Haro tolu tema i pinogisugku id toinsanan unit. Tema nopo ngawi dii nga kokomoi Winoun Sondii, Winoun Toilaan om Winoun Susuyan. Uhu id suang do tema nopo nga pinili mantad Dokumen Standard Kurikulum om Pentaksiran Toun 5 do KSSR (SEMAKAN 2017).

Pongia'an om pambalajalan id suang do buuk diti nopo nga winonsoi mantad limo modul. Ii nopo nga modul kabaalan Mokinongou om Moboros, modul kabaalan Mambasa, modul kabaalan Monuat, modul Puralan Boros om modul Kolumison Boros. Maya do unit di pinointutun, pinasarabak o mogikaakawo toilaan om woyo toluud.

Pongia'an mambasa om monuat id suang do pakej diti nopo nga nulud tumanud kabaalan di touhai kumaa kabaalan di apangkal. Piipiro aktiviti nopo nga noonuan do poomitanan karaaralano' momonsoi. Boros kiwarana id tikid unit nopo nga oponsol do posotolon kumaa tangaanak montok popohimagon do korotian diolo kokomoi uhu di poia'on.

Ponokoimpohon nopo do boros di gunoon id buuk diti nga dialek Bunduliwan tumanud do Memorandum Piniupakatan (*Memorandum of Understanding*) do *Kadazandusun Cultural Association* (KDCA) om *United Sabah Dusun Association* (USDA) di 11 Ngiop 1995. Poingkuro po, haro nogi boros mantad dialek suai do pinoruhang montok popoinggumu do tinimungan boros. Buuk Puralan Boros Kadazandusun id sikul, Bahagian Pembangunan Kurikulum, Kementerian Pendidikan Malaysia nga noguno nogi sabaagi ponokoimpohon suai minomonsoi buuk diti.

KOPOMOGUNAAN OM KOTOLINAHANAN DO IKON ID BUUK TEKS

Buuk nopo diti nga momoguno do ikon miagal id siriba:



Kabaalan Mokinongou om Moboros nopo nga montok moniis kasantaban do tangaanak montok mokinongou, mangarati om monginonong dii norongou. Kaanu nogi o kabaalan diti moniis kasantaban tangaanak do mikomunikasi.



Kabaalan Mambasa nopo nga montok popohimagon kabaalan tangaanak do mambasa miampai roiton, loyuk om kalantasan di kosudong.



Kabaalan Monuat nopo nga popohimagon kasantaban do tangaanak montok monuat toilaan om koinganan sondii.



Kabaalan Kolumison Boros nopo nga popohimagon kasantaban tangaanak mangarati, popolombus om monginonong do boros di olumis maya pambalajalan di koghiok.



Kabaalan Puralan Boros nopo nga monuduk do kopomogunaan puralan boros di kotunud.



Popoilo tangaanak do aktiviti di maan poindalano'.



Ikon pinsil nopo nga montok aktiviti monuat id buuk ponuatan.



Ikon munung nopo nga montok aktiviti popolombus do sisimbar toi ko' mikomunikasi.



Audio nopo nga ponokodung do aktiviti bahan pambalajalan.



Popoilo woyo toluud i manahak ponontudukan kumaa tangaanak.



Ikon Kod QR nopo nga bahan video toi ko' teks audio ii gunoon monokodung do aktiviti pambalajalan.



Mongunsub tangaanak momusorou do okreatif om okritis.



Ikon Komoyon Boros nopo nga popotolinahas korotian isoiso' boros.



Popoilo numbul om nuludan standard pambalajalan.



Popotolinahas om poposogu do mongingia' karaaralano' papanau pongia'an.

KAANANGAN KU



Kinongoho' om suguto'



Kinongoho' dikoyu o tangan mantad audio om suguto' boros kituni /d/.

Haro-haro
no kaka ...





Noindamaan Koihi Mimbuul

I Maikol nopo nga songulun tanak di aanangan do mimbuul. Tikid minsosodop mongoi no isio pimbuul id gana pomsomok di walai dau. Somoonu, mimbuul isio id sikul. Kotonob po tatau muli nogi isio. Kopodsu po, makan nogi isio miampai paganakan. Kopongo makan, miriirikau po isio id dimbas do toruhai pogulu do mononduli palajalan. Id linimput toodopon kasasari i Maikol do balajal. Kosuang nogi kopuriman no isio siodop, tilombusai no disio modop.

Kosuabon dii, maso id kalas, pokionuo' no di mongingia' i kalaja walai. Au i Maikol kaanu papaatod tu au nopongo i kalaja dau. Tinogod isio di mongingia' nga miagal no kasari kowoowoyoo' dau.

Asaru nopo di togodon osusa no ginawo di Maikol. Kopomusorou no isio do mokianu sogu ponolibamban mantad di pinsan dau, songulun kaunsolor. Alansan daa isio otolibamban o kobolingkangan dii.



Osusa tomod ginawo ku. Onuai oku po ralan poingkuro oku monolibamban diti kobolingkangan ku.

Id pomusarahan ku, osonong no do momonsoi ko jadual montok timpu mamain om timpu do balajal. Tonudon no i jadual dii. Alansan oku, maya do ralan diti kaanu monolibamban dino kobolingkangan nu.



Komoyon Boros: dimbas – pantaran



Intangai kouyuuyuo' id siriba. Pabantao' poingkuro kou monolibamban kobolingkangan di Lana.

Sianu no daa i Lana do telefon kandai tu asaru i mongingia' disido manahak kalaja sikul maya aplikasi id telefon kandai. Poingkuro po, au katama i Lana momisunud di tapa disido.



Tuunion Kaanangan Ku

I Marlin nopo nga songulun tanak susumikul i kiumul hopod om iso toun. Poingion isio id Kampung Libang Nukakatan Garas watas Tambunan.


Aanangan isio popouni do sompoton, tuunion koubasanan pogun tokou. Ontok timpu toliwang, mokituduk isio di tapa dau monompoton. Abagos isio minluda popouni do sompoton. Iman-imanon nopo disio nga kaanu mampayat do Piboian Tuunion Koubasanan id pogun tokou.

Monongkotoluod kopio isio di molohing dau tu nakaanu popotungkus kabaalan popouni do sompoton. Kaanu ii monguhup manampasi koubasanan tinaru tokou.

Alansan tokou daa do kipomusarahan ngawi o komulakan tumungkus sandad tinaru miagal ko' i kaadat-adato' om tuunion sandad.



Gonopo' peta pomusarahan miampai koilaan id teks.





Kanaanangan di Kiguno

Kouli nopo mantad sikul, mongoi i Lali om tadi disio pagapon id bawang. Orohian tomod yolo do mongoi pagapon.

“Larry, **owiton** no ilo balatak ontok mamananau ko,” ka di Lali momisunud di tadi dau.

Haro nopo sada do aapon, posuangon diolo id balatak. Haro timpu do **ogumu** o sada do aapon diolo. Piduo'on no diolo i sada. Sobogian nopo nga montok paganakan sondii om sobogian kawagu pataranon diolo. Haro piipiro tulun **sombol** di Lali do momoli kasari di sada.

“Larry, **pootodo'** iti sada hilo id walai di Mamai Ranji. Walai nopo di Mamai Ranji nga hilo id somok gana kokompungan. Mamananau ko sumusui diti ralan, tumilombus ko nopo gisom kokito ko lisangon ponong id **wanan**. Lumisang id wanan dii om mamananau gisom kobontol ko iso sunsuyon. Mantad sunsuyon, tumilombus gisom kokito ko walai kitaap taragang ponong id **gibang** do ralan. Iri no i walai di Mamai Ranji,” ka di Lali. I Mamai Ranji nopo nga songulun **sombol** i momoli kasari sada pataranon di Lali.

Ontok totuong dii, tuminimung yolo **apat** sampaganakan do minakan. Kosorou no di Lali i pason di mongingia' do kalas dau. Polombuso' no disio kumaa di tapa i pason di mongingia' disio.

“Apa, minangangat i Mongingia' Aben doho tumanud do abaabayan tumombului miampai **balajal** id Kuala Lumpur ontok tatau koundarangan do sikul diti dumontol. Poingkuro daa osorou nu?” ka di Lali.

“**Osorou ku nopo**, nung haro kounalan montok pambalajalan nu nga osonong no tumanud ko,” simbar di tapa dau.

“**Otumbayaan oku** do kaanu ko nogi monginlaab koilaan maya do kotombuluyan dii,” ka di tina dau. “Mantad baino, timungon no i tusin aanu nu asil papataran sada gunoon mongoi tumbului,” ka wagu di tina.

Kopongo po yolo do makan om pogitiititung no yolo id pandatan do modtungangis.



Pisudongo' frasa id siriba

- | | |
|-------------------------|---|
| 1. Haro hopod tangaanak | id dumbangan do taman pomoinan. |
| 2. Potuludo' ino | mimbuul id gana do kokompungan. |
| 3. Osonong nogi | longkudi nu ontok kitongus do ologod. |
| 4. Walai ku nopo | poopion ino tusin montok kogunoon timpu dumontol. |





Iloo'

Buul Longon

Boros ula nopo nga boros di manihak korotian konsep kouyuuyuo' montok popointalang do boros ngaran.



Oimayaan isio kokito tambalut disio popoguul dilo buul id gawang poguulan.

Ogirot tomod pongingigit di Zamli dilo buul.



Tuminandok i Zamli do **akawas** miampai pinapataam dilo buul.

Abagos yolo do minluda mamain buul longon.



Pomonoi ayat momoguno boros ula tumanud gambal id siriba.



ounsikou



aparu



otolis



oloyo



Pomoinan di Kohiok

Pinapaanjul o sikul di Latip Piboi'an Mintubau Moden toi ko' *beyblade*. Minampayat i Latip om *piipiro* tambalut disio id piboi'an dii. I Latip nopo nga songulun tanak di aanangan mamain nunu nopo pomoinan *loolobi* po pomoinan koubasanan *dounggulu-gulu* miagal ko minrampanau, mingkikirison om *suai-suai* po.

Minanganu i Latip om i tambalut disio do foom kampanyatan mantad di Mongingia' James. *Sompori-pori* yolo do monuang di foom kampanyatan pogulu do pogulion kawagu kumaa di Mongingia' James. Sinunudan nogi i tangaanak do *sompoopori* mongowit do *beyblade* sondii ontok tadau piboi'an dii.

Sangandad-andad no ngawi o tambalut di Latip di tadau korikatan timpu do piboi'an beyblade dii. *Tikid-tikid* diolo nga haro no *beyblade* sondii tumanud di boros di Mongingia' James.

Maya do abaabayan diti, alansan no daa do koponguhup sikul monolibamban do kobolingsangan kokomoi do adalaan o tangaanak mamain pomoinan mantad Internet.

Boros momohulit:

- a. pongohulitan do boros guas
 - tuong-tuong
- b. pongohulitan putul boros
 - araragang
- c. pongohulitan kirantak
 - mika-hika

PIBOI'AN BEYBLADE

Tadauwulan: 9 Mansak 20

Tadau: Kukuak

Timpu: 8:00 doungosuab - 4:00 minsosodop



Kategori:
A. 7 - 9 toum
B. 10 - 12 toum

Pinaanjul:
Kalab Pomoinan Beyblade Sikul

Rumomut di:
Mongingia' James



Pomonsoi panandatan momoguno boros momohulit i okito mantad teks.

Poomitanan:

Haro *piipiro* tambalut mantad kalas ku nopili mobi do sikul montok piboi'an ragbi kiumul siriba hopod om duo toum.





Kanou Monuat

Kampung Sirukut,
Kaban Surat 333,
88211 Penampang,
Sabah.

1. Alamat di
minonuat

Kumaa tambalut ku i Nulin id Kampung Solunsung. Alansan oku olidas ko miampai paganakan. Yoku nga olidas om ounsikou nogi. Tudu ku nopo monuat do surat diti nga popoilang oku nawayaan ku ontok minongoi tombului hilo id iso kokompungan id watas Pitas.

2. Boros
ponuau-suau
om poposunud
tudu minonuat

Ontok di tadau koduo nohopod om apat wulan Momuhau, nangatan yahai di tapa ku minongoi tombului di paganakan di Mamai Usup id Kampung Sinorokot, Pitas. Osuab po yahai minamanau. Minumbaya yahai do minongoi akan hilo id Kaka^{da}yan Bandau. Kopongo po makan, tilombus no yahai minamanau. Ogumu kinoyonon nawayaan dahai di kagayat do ginawo. Nokosiwat oku nogi minongoi pamagambal kinoyonon di ongolumis. Nokorikot yahai hilo id walai di Mamai Usup di jaam 3:00 minsosodop.

3. Tonsi surat
koiso

Kosuabon dii, nakaampai nogi yahai minanaandak do Tadau Krismas do hilo. Ounsikou tomod yahai mamaramai do tadau dii. Minogigaagambal yahai montok kahandaman.

4. Tonsi surat
koduo

Pogulu minuli, nonuan yahai di Mamai Usup limo butul paha' do tantadan. Pinoulian dahai do jaam 10:00 doungeosub miampai ginawo di ounsikou kopio.

5. Boros
panantaban

Ii no nawaawayaan ku. Alansan daa kopiromut kito kawagu id timpu do toruhai.

Kotoluanan.

Mantad doho

Lidia

6. Sain di
minonuat



Ponuat do surat kumaa tambalut dikoyu tumanud format suat id sawat. Posunudo' o nawayaan dikoyu ontok timpu koundarangan sikul di nakatalib.

3.3.3

NUUT
MONCINIA'

- Suhuon o tanganak mam^basa do surat.
- Suhuon o tanganak monuat surat sondii kumaa tam^balut diolo tumanud format surat au formal.



Kaanangan Paganakan Ku

Sinuhu di mongingia' i Rani om tambalut id kalas dau mongintutun do kaanangan paganakan diolo sondii. Tinayadan id siriba nopo nga winonsoi di Rani tumanud kaanangan do paganakan.

Tapa:

Aanangan i tapa ku do mamain badminton. **Mamain badminton i tapa id dewan** pionsomok do tionon dahai. Haro nogi piipiro tambalut di tapa ku do mongoi pamain id dewan dii.

Tina:

Tina ku nopo nga songulun suri lamin. Orohian isido monombir. Monombir i tina ku do rasuk miagal ko' baju kurung, gaun om blaus. Monoonombir nogi i tina do unifom do noos. **Monombir isido id linimput ponombiran** winonsoi di tapa. Ogumu kasari tulun mantad sombol om labus do mokitombir do rasuk om unifom.

Rani (yoku):

Poinsikul oku id Sikul Tosiriba Rondogung. Balajal oku id kalas Toun 5. Aanangan oku suminding om sumayau. **Suminding oku ontok timpu karamayan** i pohoroon do tongosombol dahai. Sundung po do ingkaa nga au ku olihuan o palajalan ku.

Lajiri:

I Lajiri nopo nga tadi ku. Isio nopo nga tanak koduo id paganakan dahai. **Monombosikol i isio do mongoi sikul**. Koguli nopo mantad sikul, mimbosikal isio miampai tambalut id taman pomoinan. Pointounda o ralan montok do tanak ngawi di orohian mimbosikal id taman dii. Kiiman-imanon i tadi ku mampayat piboi'an migusa bosikal soira kagayo isio.

Larry:

I Larry nopo nga tanak tomulok id paganakan ku. Kiumul isio do 3 toun. Kaanangan nopo di Larry nga mamain kurita pomoinan. **Mamain korita pomoinan i tadi id sirang do walai**. Ogumu kawo korita pomoinan di tadi ku.





Uludo' frasa id siriba sumiliu panandatan i kinuludan MSO.



1. id dompuran. Mongonsok i todu
do tinimbu



2. do rahat. hilo id disan
Magapon i taki om i Lanti



3. Momogitar id sahou do puun rangalau.
i Rayner



4. i Mamai Rapi do sada id kulam.
Monumad



5. Mananom id natad walai.
i Inai Rosie do tobu



Buuk Tagayo Tinunturu Sandad

Tuminanud i Evelyn om tambalut disido do piboian momonsoi buuk tagayo. Piboian nopo dii nga popokito koilaan kokomoi do tinunturu sandad. Aanangan i Evelyn momonsoi buuk skrap om buuk tagayo. Pinotounda diolo o kakamot do gunoon montok momonsoi do buuk tagayo dii.



1 Maganu sangkaping kalatas kad manila om lopion 2 boogian.

Waranaan om sindakon i kad manila ponokokulit di buuk tagayo om opongo no i buuk.

2 Maganu 5 kaping kalatas pomolukisan, luangan id disan momoguno do pomoluang.

Opongo po posokot, kagasan miampai di kalatas kad manila id kalatas pomolukisan dii.

3 Suhuon tikid tinimungan momili gambal om koilaan tinunturu sandad.


Posokoton id kalatas pomolukisan ii gambal om koilaan tumanud kreativiti tinimungan sondii.

4 Pilio' piipiro, kawo tinunturu sandad om onuai koilaan miagal id siriba:
 - ngaran tinunturu sandad.
 - kogunoon tinunturu sandad.
 - bahan do pinomonsoi.
 - gambal tinunturu sandad.





Imuayai




Pogibaabarasai.

1. Nunu woyo toluud di okito nu mantad id gambal?
2. Nokoumbal ko nokotorimo toi ko' minanahak do tutungkap montok sombol nu? Posusuyo' nawaawayaan nu.
3. Poingkuro kowoowoyoo' di opuhawang kaanu popogirot piromutan miampai sombol? 🧠
4. Pomusarahai karaaralano' suai montok popogirot sunduan sopisombol. 🧠



Tadau Paganakan Kolominan Siba



A. Intutunai boros kituni /b/ di norongou nu mantad pibarasan di Matius om paganakan disio.



B. Polombuso' kawagu boros kituni /b/ di norongou nu mantad pibarasan.



Komoyon Boros:
kolominan – kawalayan





Polombuso'



Nokopiandad i Eva om i Natalia do minuli mantad sikul ontok tadau Kurudu.

Natalia: Eva, nokoilo ko no kokomoi Tadau Paganakan Kolominan Siba dii?

Eva: Nokoilo oku no. Ogumu abaabayan kagayat ginawo ontok tadau dii?

Natalia: Ingkaa no norongou ku. Yoho nopo nga sitanud oku do sipoot rinukut-rukut. Tumanud boros di tabang ku, ogumu tutungkap kagayat do ginawo.

Eva: Sitanud oku daa kopokitanan basaan koubasanan.


Natalia: Kosudong kopio ino Eva. Aramai moti ii. Ogumu po kawagu tambalut id kolominan diti orubaan nu ontok tadau dii.

Eva: Ingkaa no. Okuri po mogiigion hiti do otutunan ku.

Natalia: Kano mongoi ampai do pitabangan momolidang om monindak hilo id dewan poingukab do kosuabon suab.

Eva: Kano no. Au koongoi i tapa ku. I tama ku nga mitamong di tadi ku. Yoho dii o mongobi. Baa, umbayaan oku no.

Natalia: Baa. Hino ko no.



A. Ihumo' om roito' boros kikonsonan /b/ mantad teks pibarasan id sawat.



B. Poindalano' piboi'an id tinimungan montok mogihum om mamarait boros kikonsonan /b/. Pilio' songulun sumiliu momiimilantoi om songulun madtamong do timpu.



Komoyon Boros:

1. orubaan – osolowot
2. pitabangan – pogiuhipan





Pitabangan Momolidang Dewan

Ontok tadau Kukuak di nakatalib, pinaharo o pitabangan momolidang do Dewan Poingukab Kolominan Siba. (Pitubangan, Pitabangan) nopo dii nga montok kopotoundaan abaabayan Tadau Paganakan Kolominan Siba di pinaharo ontok tadau Tiwang.

Ogumu o (mogion, mogiigion) nokotindapou id pitabangan dii. Wookon nopo do (kalaaja, kalaja) di pinoindalan nga kaampai no momompod do sakot, momuhu (siamat, siamut) om momunso kinoyonon pogontoluan do nondui. Suai ko' ii, haro nogi i monindak id suang di dewan poingukab.

I Haikal, i Natalia om i Eva nga nokouhup nogi minomuhu do siamut id posorili om (minongulud, minonggulud) tirikohon id suang do dewan. (Onsikou, Ounsikou) ginawo diolo tu nokouhup id pitabangan dii.

Nopupusan o pitabangan dii ontok jaam ko 11:00 (dungkusuab, donggosuab). Olumis om olidang o kokitanan id posorili Dewan Poingukab Kolominan Siba soira do nolidangan.



Basao' teks om pilio' sisimbar miampai ijaan di kotunud.

Poingkuro ko mongunsub tulun id posorili kolominan nu rumikot id pitabangan?



Tomposio' no sunduan mogiuhup-uhup miampai sombol id kolominan.





Basao' dairi di Eva id siriba.

Dairi Ku

12 Milatok (Tadau Tiwang)

5:00 dongsuab

Osopung oku do tuminungag tu mokiuhup i tina popotounda kokoriu montok Tadau Paganakan Kolominan Siba. Minongidu oku gorugui roun doringin montok pomolopot do takano.

8:30 dongsuab

Minampayat oku doid sipoot rinukut-rukut miampai tambalut sapisombol. Nokointutun oku do tambalut wagu kaampai no i Putri, i Gabriel, i Ethan om i Roy. Nosiliu bontugan o tinimungan ku doid piboian popotumpus do luong om mongompuri do parai. Ounsikou tomod o ginawo ku.

12:00 dongsadaw

Ogumu o tulun nokorikot id Dewan Poingukab Kolominan Siba. Angababal ii koonduan ngawi mongulud do taakanon id bombong do dewan. Yoku nga nokotounda oku no miampai basaan koubasanan ku. Aanangan kopio oku manambasaan koubasanan tu angkab-angkabon ku nopo nga mampayat id piboian unduk ngadau soira do agayo oku.

3:00 dongsodop

Nopupusan no o abaabayan Tadau Paganakan Kolominan Siba. Nokotorimo oku do tutungkap kinalantayan montok abaabayan sipoot rinukut-rukut. Osonong nogi o nasip ku tu nakaanu oku do tutungkap tikit kilumaag. Ounsikou o ginawo ku tu ogumu o sombol wagu notutunan ku. Alansan oku kaambalut kawagu diolo do suai tadau.



Simbaro' ponguhatan id siriba.

1. Nokuro tu osopung do tuminungag i Eva?
2. Nunu ngaran do roun ginuno tina di Eva momolopot do takano?
3. Mantad pomusarahan nu, nunu kounalan papaharo do tadau paganakan?
4. Nokuro tu aanangan kopio i Eva nakatanud abaabayan kopokitanan basaan koubasanan?
5. Patayado' o apat woyo toluud miampai poomitanan tumanud dairi id sawat. Gunoo' peta pomusarahan di kosudong.



Komoyon Boros:
angababal – atangkangau



I Aki Somoring

I Aki Somoring nopo nga poingion id sampaping do lamin di Eva. Osongulunan isio id tionon disio. sundung potuu do molohing no, kakal po do agaras isio mindahu. Ogumu o tanom disio kaampai no sansam, Bintorong om batad. Minananom nogi Isio do tawadak om gorouk. Suai ko' ii, abaal nogi kopio i Aki Somoring momonsoi do tinunturu miagal ko' basung om barait. Ogumu tulun aanangan mokiwonsoi basung mantad disio tu osiriba o gatang.

I Aki somoring nopo nga songulun di opuhawang. asaru isio manahak do kinotuan om taakanon miagal ko' bosou sada om kinotuan kumaa paganakan di Eva. Insan tatau, Nokorikot isio id lamin di Eva miampai songwongkos o balatung om tolu tinan sangop. Ounsikou o paganakan di Eva minonorimo titahak di Aki somoring. Ontok sodopon tatau dii, minomoli i Tapa di Eva do duya om songkilogram sada bosungan mantad id kakadayan.

Totuong dii, onsoko' no di tama di Eva i kinotuan tinahak di Aki Somoring om ii sada ngawi di noboli. Soira norikot timpu makan doughtuong, suhuo' no i Eva Di tapa disido minongoi pangalap di Aki Somoring do mongoi ilang diolo. ounsikou kokiikitanan di Aki Somoring naalap makan miampai paganakan di Eva.



Sinuat o teks id sawat miampai piipiro pimato di au nokotunud. Suato' kawagu teks dilo miampai momoguno pimato di pointunud.

Poingkuro ko popokito kopodulian nu kumaa sombol nu?



Komoyon Boros: duya – sutung kurita





Boros Kipimato Konsonan /b/ om /d/

Pimato konsonan /b/ om /d/ nopo nga polombuson miampai au poloputon. Kopomogunaan nopo do pimato konsonan /b/ om /d/ nga:

i. id boros sandad di au kopitoning o pimato **m** om **b**, toi ko' pimato **n** om **d** id iso' patod boros.

Poomitanan: boros, osiriba, dalai, osodu

ii. id boros ngaran poimbida.

Poomitanan: Sabah, Bezza, Kampung Nadau



Eva, kawasa oku nangku mokiuhup dia monumad diti buu' ku daamot dahai muli kampung?

Kotoluadan kumaa dikoyu tu minanahak sokodung id abaabayan Tadau Paganakan Kolominan Siba diti.



Monuhu i tina ku papatahak dikoyu diti sada tu ogumu nonsok disido.



Mumbaya no momoli tumau pagansak hilo id Kadai Tokou.



A. Patayado' boros kipimato konsonon /b/ om boros kipimato konsonon /d/ mantad teks id sawat.

B. Pogihum om suato' limo poomitanan boros suai ko' id teks di kipimato konsonan /b/ om /d/.





Ihumo' om Suato'



A. Ihumo' o boros poinlisok id siriba.

unsu_on

ou_as

_asaan

a_aa_ayan

o_insianan

o_ulou

_oros

so_orong

a_agos

gi_ang

u	a	y	v	s	u	d	s	o	n	w	g
o	f	h	c	j	n	k	d	r	l	a	n
l	g	x	v	x	s	b	r	b	x	o	o
u	i	j	a	k	u	s	m	i	b	n	r
b	b	s	p	x	b	g	p	i	a	b	o
o	a	i	t	s	o	e	n	a	j	j	b
y	n	u	o	d	n	s	s	m	q	z	o
i	g	r	b	s	i	a	r	m	t	d	s
z	o	e	h	a	b	s	o	g	a	b	a
b	x	p	n	f	m	c	u	c	g	b	k
c	s	a	b	u	o	k	r	q	l	c	j
o	n	n	a	y	a	b	a	a	b	a	q



B. Gonopo' ayat id siriba momoguno boros poinlisok id sawat.

1. I Aki Somoring nopo nga songulun sombol di .
2. oinsanan mogiigion manamong kolidangan id kolominan.
3. Ogumu pinaharo ontok Tadau Paganakan Kolominan Siba.
4. Ilo nopo lamin kitaap do nga lamin di Mongingia' Tikat.
5. Naantakan o kinasaraban doid lamin id dilo talun-alun di kosodop.
6. o mogiigion id Kolominan Siba mogitootombului ontok haro karamayan.
7. Pomoguno no do di olinuud soira mumpongol do sombol id posorili nu.
8. Id nopo do dewan poingukab dilo nga kinoyonon pataaman do siamut.
9. Atamangan o kolidangan id posorili do kolominan nung tokou do momolidang.
10. Pinopotoluod i Haikal do sambalatak kumaa sombol disio di au songkuro osukupu.



Kanou Monuat do Susuyan

Sombol di Opoduli



noposik pitangatuong
– Natalia – nokorongou
tuni – soromin
nababak



titigaon – tinitiu salait
– sangai tulun –
tolikud lamin di Eva



mongumpil – titigaon
– bosu – monoruang
lamin

1

2

3

6

5

4



mongunsikou –
sombol – aiso
napanakau



sombol – minanalob
– mogidu –
nagakom – duo tulun
songkosuayan –
pinaatod id balai pulis



minomosik – tapa –
ruminomut di sombol
– mananamong
kotingoligan



Gonopo' o susuyan id siriba tumanud do nuludan gambal id sawat. Gunoo' boros om frasa di nokotounda.

Insan totuong, noposik i Natalia mantad todop tu nokorongou tuni miagal soromin nababak mantad lamin di Eva. Osuayan i Natalia tu i Eva om paganakan disido nopo nga minuli id kampung.

Pomirulan-ruan no i Natalia minongoi pongintong maya titigaon do linimput todopon disido. Tigog ka ...





Sombol Kaandasan

Ontok Tadau Paganakan Kolominan Siba di nakatalib, noonuan i Aki Somoring do Gaa Lundu Tungkus Koubasanan. Nokotorimo isio gaa dii mantad no do komilaan disio monunturu. Haro nogi piipiro tulun suai di nokotorimo do gaa poimbida. Sinuhu di Mongingia' Liza o tangaanak id Kalas 5 Bungadau popoindalan ponurubungan montok mongilo kokomoi kinalantayan diolo.

Eva: Kopisanangan sosodopon, aki.

Aki Somoring: Kopisanangan sosodopon nogi kumaa dikoyu. Baa, suang kou no.

Natalia: Pounsikou aki. Bayahan tu nosiliu ko do Lundu Tungkus Koubasanan ontok Tadau Paganakan Kolominan Siba di kawawagu.

Aki Somoring: Pounsikou. Ounsikou kopio oku tu nokotorimo pamagatangan miagal dii.


Eva: Aki, kawasa nangku yahai monguhot dia piipiro ahal kokomoi komilaan nu monunturu?



A. Poindalano' o ponurubungan id tinimungan miampai sombol di oilaan nu do haro o toilaan toi ko' kinalantayan poimbida.



B. Poilango' om pogibaabarasai o asil ponurubungan nu miampai tambalut do suai.



POGUN KAANDASAN KU



Kinongoho' om Pibasasai



Longkod
Pomogompian
Kogiu



Longkod Koilaan
Kokomoi Talun



Longkod
Pomogompian
Bohuang Paha



A. Pibasasai miampai tambalut kinoyonon di kagayat ginawo tumanud gambal.



B. Pingsingkono sabaagi manaananud tutumombului montok popotolinahas kinoyonon di kagayat ginawo id kinoyonon nu.





Maamaso i Jasni om tambalut kalas disio mogibooboros miampai di mongingia' kokomoi kinoyonon om koubasanan di kagayat ginawo id pogun Sabah.

Posunudo' dikoyu koilaan kokomoi pogun tokou i kawasa do pointutunon kumaa tutumombului.



Simbaro' do otopot toi ko' au otopot o kotolinahasan id siriba tumanud audio.

1. Taandakon o Tadau Kaamatan do ontok wulan Gumas. 🍷
2. Kogumuan nopo do tinaru Dusun Tatana nga mantad watas Kuala Penyu. 🍷
3. Ngaran nopo do tinaru Rungus nga mantad ngaran di Aki Rungdud. 🍷
4. Longkod pamansayan nopo do tagung nga id watas Ranau. 🍷
5. Kikinawas do 5095 mito o Nulu Kinabalu mantad rontob do rahat. 🍷



Upuso' pogun tokou.





Tadon ngaran Watas Keningau

Isoiso' kinoyonon kiwaa o tadon kinonuan do ngaran. Kiwaa o sejarah nopungaranan kinoyonon dii. Kogumuan nopo do ngaran dii nga naanu mantad tulun guugulu maya kinaantakan di nawayaan.

Keningau nopo nga watas kolimo do bobos agayo id pogun Sabah. Di pogulu, watas nopo diti nga iso watas di tokoro id pisuk do pogun Sabah.

Tumanud do susuyan tulun guugulu, Keningau nopo nga iso kokompungan nosorili do iso kawo puun i roitan do Puun Koningau. Gunoon o kulit do puun dii do raramu id nansakan. Nosiliu do kawo pongindopuan i kulit Puun Koningau di maso kinorikatan tulun Inggeris id kinoyonon dilo.

Ogumu mongingindapu mantad labus momoli do kulit Puun Koningau. Tulun mongingindapu i rurumikot id watas diti minomungaran do Kampung Keningau tu ointutunan kopio o kinoyonon dii maya Puun Koningau.

Baino diti, nokoburu o watas Keningau om nosiliu do iso watas tagayo id pogun Sabah i ririkoton do tulun.



Tadon kinoonuan: www.sejarah.my/cerita-dan-kisah-disebalik-nama-keningau-sabah/



1. Nunu kawo do puun id posorili do Kampung Keningau?
2. Isai o rumikot mongoi pomoli do kulit Puun Koningau?
3. Nunu kogunoon do kulit Puun Koningau?
4. Pogihum koilaan maya Internet kokomoi tadon kinoyonon ngaran do isoiso' kinoyonon.





Sayau Koubasanan

Tikid tinaru kiwaa sayau koubasanan i tinungkusan mantad tulun guugulu. Ogumu sayau koubasanan di ointutunan om haro nogi i tumalup maya do kosimbanon do timpu om karaaralano' koposion di sumimban. Kiwaa kiikiro walu nohopod kawo do sayau koubasanan id pogun Sabah i mogowit do kointutunan isoiso' tinaru.

Sayau Sumazau

Sayau Sumazau nopo nga sayau koubasanan do tinaru Kadazan. Sayau nopo diti nga tumanud do kouyuuyuo' di tombolog tumulud. Poropoon di susumayau o longon om poguraon miagal di tombolog tumulud. Gakod nopo nga posingkakadon om pokiyoi-kiyoyon. Koubasan nopo do susumayau nga kusai om tondu i mirapat sumayau tumanud tuni do tagung.

Posolimbahan o sayau diti ontok karamayan miagal ko' ramai Kaamatan om ontok timpu karamayan pisasawaan.



Tadon kinoonuan: Mari Menari Tarian Sumazau, 2016
Lembaga Kebudayaan Negeri Sabah

Sayau Magunatip

Sayau Magunatip nopo nga sayau koubasanan tinaru Murut. Sayahon o sayau diti ontok timpu karamayan miagal ko' manaandak tadau pisasawaan om monorimo tombului.

Boros Magunatip nopo nga mantad boros 'apit'. Nuru do abaal om otimpas o susumayau do tumindak mongilag do agapit ii gakod dii poring popiduntukon. Haro piipiro tulun do sumayau om haro nogi tulun do popiduntuk di poring. Sumayau o susumayau diti maya do tuni poring di kopiduntuk.



Tadon kinoonuan: Lembaga Kebudayaan Negeri Sabah

Sayau Mongigol Sumundai

Sayau Mongigol Sumundai nopo nga sayau tinaru Momogun Rungus. Sayahon o sayau diti do songulun susumayau kusai om piipiro susumayau tondu miampai tuni do tagung. Posolimbahon o sayau diti ontok Tadau Kaamatan, pisasawaan, toi ko' mangalap do tombului.

Tadon kinoonuan: Inventori Budaya Etnik Negeri Sabah, Etnik Momogun Rungus, 2013 Lembaga Kebudayaan Negeri Sabah



Sayau Limbai

Sayau Limbai nopo nga sayau koubasanan tinaru Bajau Sama. Di pogulu ii, sayahon o sayau diti do ontok mamaramit di kusai i sumalakoi mongoi panansawo id lamin di tondu. Baino nopo, suai ko' sayahon ontok kapanaandakan tadau pisasawaan, posolimbahon nogi o sayau diti ontok timpu karamayan suai miagal ko' karamayan rasmi.

Kiwaatolu toi ko' apat pasang susumayau do sayau diti. Tuunion koubasanan miagal ko' kulintangan, duo tagung, gandang om bebandil pounion do ompoton dii susumayau.



Tadon kinoonuan: Mari Menari Tarian Limbai, 2016 Lembaga Kebudayaan Negeri Sabah



Gonopo' carta tumanud koilaan pinotounda.

koilaan

- Sayahon o sayau diti tumanud kouyuyuo' do tombolog tumulud.
- Mirapat o susumayau tumanud tuni do tagung.

- Sayahon o sayau diti montok mamaramit di kusai sumalakoi mongoi panansawo id lamin di tondu.
- Sayahon do tolu toi ko' apat pasang susumayau o sayau diti.

- Sayahon o sayau diti tumanud tuni do tagung.
- Sayahon o sayau diti do songulun susumayau kusai om piipiro susumayau tondu.

- Nuru do abaal om otimpas i susumayau do tumindak mongilag do agapit ii gakod dii poring popiduntukon.
- Sumayau ii susumayau tumanud tuni poring di kopiduntuk.

sayau



tinaru





Basao'

Mogipaapantang Ralan Miiso'

Kotoluadan kumaa di Ponorikohon Majlis. Kopiwasian dongsosuaab kumaa Luguang Mongingia', tongomimiilantoi di aadang, tongomongingia', tongotambalut om toinsanan i **nokotindapou** do baino. Uhu nopo do roisol ku nga "Mogipaapantang Ralan Miiso".

Tobpinai kou ngawi,

Nunu komoyon do uhu diti? Mogipaapantang nopo nga monorimo pisuayan. Pisuayan nopo dii nga kohompit no o ugama, kotumbayaan, karaaralano' do koposion toi ko' ralan momusorou om suusuai po. Boros miiso' nopo nga mantad boros guas 'iso'. Komoyon nopo dilo nga miulud om miunung.

Tobpinai kou ngawi,

Nokuro tu nuru do mogipaapantang? **Mogiigion** nopo id pogun tokou nga mogisuusuai o ugama miagal ko' Islam, Kristian, Hindu om Buddha. Suai ko' ii, mogisuusuai nogi tinaru. Kiwaa Cina, Melayu, India, Dusun, Murut, Lundayeh om suusuai po. Mantad no do pisuayan dilo do misuai dii ngawi o boros, kotumbayaan om karaaralano' do koposion. Nung au tokou Mogipaapantang nga **orumbak** o pogun tokou. Ogirot tokou nung miiso' nga ahaba tokou nung murias. Mogipaapantang kaanu popirati om popogiroto do koingkokoton pogun tokou.

Tobpinai kou ngawi,

Poingkuro tokou mogipaapantang? Kumoisoi', kada **pongolimut** do ugama, kotumbayaan, karaaralano' do koposion toi ko' karaaralano' momusorou tulun suai. Koduo, tumombului do tambalut di manaandak do karamayan miagal karamayan Tadau Raya, Toun Wagu Cina, Tadau Krismas om suusuai po. Kotolu, monguhup tulun suai miampai au momili do koulunan di uhupan. Maya do laang dilo kopiiso' tokou.

Kanou no Mogipaapantang om miiso' mooi do kotilombus o **kolumaagan** do koposion om ogirot ningkokoton do pogun tokou.

Ingkaa-kaa no, kotoluadan.



Simbaro'

1. Ihumo' om pogibaabasai id tinimungan o komoyon boros kiwarana aragang id teks.
2. Patayado' tolu woyo toluud i noroitian id teks.





Boros Pongudio

Boros pongudio nopo nga boros i oguno nung mongudio toi ko' momonsoi ayat pongudio.

Poomitanan:

- ▶ Nunu
- ▶ Nokuro
- ▶ Isai

- ▶ Nonggo
- ▶ Soira
- ▶ Piro

- ▶ Poingkuro
- ▶ Songkuro



Gunoo' boros pongudio di kosudong id pibarasan diti.

Minangalap i Joikol di pinsan disio mampayat do paganakan dau mimpanau id kakadayan Kota Kinabalu ontok tadau minggu dumontol.

The screenshot shows a WhatsApp chat interface. At the top, the contact name is 'Joikol' and the status is 'online'. The chat background has a pattern of various icons. The messages are as follows:

- Left: Hai, kopisanangan Impin.
- Right: Hai, kopisanangan nogi doid dia. Siou au oku kotutun. ?
- Left: Yoku iti, i Joikol.
- Right: Oo. Ia pama ino kio. ?
- Left: Mangangat oku daa dia do tumanud dahai mimpanau hilo id kakadayan Kota Kinabalu do tadau minggu dumontol. Mongoi tokou podtuongis id disan rahat om mongoi tokou nogi tombului id Muzium Pogun. Ogumu abaabayan kohiok hilo.
- Right: Baa. Aanangan oku tumanud dino. ?
- Left: Sumakai tokou do korita di tapa ku. Isio papanau.
- Right: ?
- Left: Jaam kawalu doungeusab tokou mamananau. Korikot ko po hiti lamin om mamananau tokou nogi.
- Right: O ba. Mongoi oku hino lamin nu do jaam kawalu doungeusab. Hino ko po.
- Left: Ba. Hino ko no.

At the bottom, there is a text input field with the placeholder 'Type a message' and icons for emojis, attachments, gallery, and voice recording.



NUUT MONCINGIA'

- Suhuon tangaanak monuat id buuk ponuatan.





Iloo' Boros Ponowoli Ngaran Ponuduk


Boros ponowoli ngaran ponuduk nopo nga kifungsi do popotuduk isoiso' ahal toi ko' kakamot om kinoilihon. Wookon nopo boros ponowoli ngaran ponuduk nga okito maya kotolinahasan id siriba:

Ngaran Ponuduk	Kotolinahasan	Poomitanan Ayat
Ino	Monuduk do kinoilihon kakamot	Ino nopo nga warana ku.
Iti	Ii nopo tudukon nga poinsomok di mokinongou	Iti nopo nga buuk di John.
Hiti	Ii nopo tudukon nga poinsomok di maboros om poinsodu di minokinongou	Intong kou hiti id papan ponuatan, haro o potolinahason ku.
Ilo	Ii nopo tudukon nga poinsodu di maboros om mokinongou	Ilo nopo nga Nulu Kinabalu.
Huudi		Gambalo' ilo tombolog poinsako huudi raan do bundu.



Pomonsoi panandatan tumanud gambal. Gunoo' kotolinahasan id sawat.

Nindalanon Paganakan di Joikol



Minimpanau o paganakan di Joikol hilo id kakadayan Kota Kinabalu di tatau minggu nakatalib. Minongoi yolo tombului id Muzium Pogun Sabah. Minomoguno i tapa di Joikol do aplikasi waze maso papanau korita tu au isio abaal do talun-alun id kakadayan Kota Kinabalu.




Ponuat ayat ponontudukan ralan kokomoi nindalanon do paganakan di Joikol.

Tumilombus papanau id ralan Tunku Abdul Rahman gisom kobontol do lisangon ponong gibang.



Ponuduk:

-  talun-alun
-  sunsuyon
-  lampung trafik
-  kolian
-  lamin pongusapan
-  tuundorongon baas



Komoyon Boros:
kolian – poluyungan do waig



Pogun Kaandasan Ku


Pogun kaandasan ku ointutunan sompomogunan rumikot tulun oimayaan kolumison pogun aiso koirad.

Pogun kaandasan ku mogiigion di oulud om miiso sundung mogisuusuai tinaru sopirati sopihup sopipantang-pantang osuau.

Pogun kaandasan ku upuson om tamangan tingoligai mantad taraat insudo' mantad korumbak kada kasaga saladan do suai.

Pogun kaandasan ku kounsikahan om koupusan ku olumis kasasari kotilombus kolumaagan ogirot ningkokoton.

Sinupu di: Marion Grizzel



Pibarasai rati bangki do sisindiron dilo.

Poomitanan:

Bangki Koiso

Pogun kaandasan ku ointutunan sompomogunan rumikot tulun oimayaan kolumison pogun aiso koirad.

Komoyon

Ounsikou oku do pogun ku i otutunan pointongkop pomogunan. Ogumu tutumombului oimayaan do kolumison pogun ku di aiso id pogun do suai.




KINOYONON POSORILI




Pisuayo'

Id Kakadayan



Id Kampung



Nonggo kaanangan nu mion id kakadayan toi ko' id kampung? Potolinahaso' pounayan nu.

1.5.2

NUUT
MONCINCIA'

- Milo poindalanon aktiviti pisiwalan id tinimungan.





Polombuso' boros ponontudukan ralan di norongou nu.



Tonudo' no kooturan om pononsunudan kotingoligan id kinoyonon posorili.



Komoyon Boros: daasom – daamot





Basao' om Rotio' Kopoilaan




"PITABANGAN MOMOLIDANG BAWANG DIINUMAN"


Tadauwulan: 27 Mansak 20□□
 Tadau: Kukuak
 Timpu: Jaam ko 8:00 dongsuab
 Kinoyonon Timungon: Piolungan Bawang Diinuman om Bawang Guung
 Poimogonon di: Gundohing Sualan, Luguan Kampung Kisonit
 Papaanjul: Kotinanan Kolidangan Posorili Kampung Kisonit
 Abaabayan: Momolidang do bawang om mogiilang makan dongsuab.
 Pongowit no do kakamot di kosudong.







Gonopo' luputan id siriba momoguno koilaan mantad kopoilaan id sawat.

Luputan Pitabangan Momolidang

Ontok di ko- , pinapaharo o mogiigion  do pitabangan momolidang Bawang Diinuman. Pinaanjul iti do . Tujuan do pitabangan diti nopo nga montok popoingkawas kolidangan do Bawang Diinuman om popogiroto sunduan pitabangan do mogiigion kampung.

Tuminimung o mogiigion id  miampai kakamot pomolidang miagal ko' dangol, pangakai om polositik poyanan do siamut. Soginumu do limo nohopod om tolu tulun mogiigion nakaamung id pitabangan dii.

Pinotimpun o abaabayan dii ontok jaam  miampai bobooroson toniba di pinopoimagon, i . Isio nopo nga . Minongunsikou isio kumaa toinsanan mogiigion kampung mantad no do sokodung diolo id abaabayan dii.

Nopongo o pitabangan dilo kiikiro jaam kohopod om iso' dongsuab. Soginumu hopod om iso' polositik tagayo do siamut notimung id pitabangan dilo. Pinupusan o pitabangan dii miampai abaabayan . Pitabangan nopo dilo nga iso' kaandasan montok mogiigion Kampung Kisonit tu popokito piisaan om goos manamong kinoyonon posorili.

3 Gomot 20□□

Luputan pinotounda di,

Nulasi Sumping

(Nulasi Sumping)

Monunuat,

Kotinanan Kolidangan Posorili,

Kampung Kisonit, Tamparuli.





Nawaawayaan Suminakai do Kapal Tulud

Daamot di Ashley om i Faye magandang do molohing diolo id pagandang do baas, minisusui-susui yolo nawaawayaan ontok koundarangan sikul di nakatalib. Basao' pibarasan diolo id siriba.

Ashley: Faye, minonguro ko ontok koundarangan sikul di nakatalib?

Faye: Minongoi yahai sampaganakan pimpanau hilo id Kuala Lumpur. Ia nopo?

Ashley: Hilo oku no yoho id lamin tu nokouli i koobpinayan ku mantad Kota Kinabalu. Waa, nakasakai ko do kapal tulud kio!

Faye: Oo. Kumoinsan ku nogi nakasakai do kapal tulud ontok dii.

Ashley: Nunu ngawi nawaawayaan nu suminakai do kapal tulud? Kawasa oku nanguku mokisusui dia tu au oku po yoho nokoumbal sumakai do kapal tulud.

Faye: Kawasa bo. Ii nopo di kosuabon do tadau Kukuak nga minongoi yahai hilo id Gana Tutubpoon Kapal Tulud Sompomogunan Kota Kinabalu. Korikot nopo do hilo, ongoi no yahai panganu do tikit kotuludan id kaunto automatik. Tilombus nogi kawagu yahai minongoi id pomorisaan kotingoligan do tinan om torukut-rukut.

Ashley: Poingkuro ino komoyon do pomorisaan kotingoligan tinan?

Faye: Ii nopo dii nga tumalib doid iso' wawayaan i haro o sistom digital montok momorisa nung haro o kakamot di atarom toi ko' pogoduhan di noowit. Ii nopo nga mongilag do haro kakamot pogoduhan miagal ko' dadah di oowit sumakai id kapal tulud.

Ashley: Oo. Ii nopo wawayaan dii nga id kosuangon no do kapal tulud?

Faye: Okon po. Haro po kawagu o pomorisaan id boogian imigresen. Pointongon o kaad kointutunan kumaa diolo tu maan diolo posuango' id sistom o kointalangan di tulun i lumabus mantad pogun Sabah. Opongo po om sumuang nogi id liwang pagandang sumakai do kapal tulud. Soira orikot timpu pamalahawan sumakai id kapal tulud, haro po kawagu pomorisaan kaad kointutunan om tikit kotuludan.



Ashley: Oo. Piro dii linaid nu poinsakai dii kapal tulud?

Faye: Kiikiro duo jaam om tolu nohopod minit. Tuminulud i kapal tulud mantad id Gana Tutubpoon Kapal Tulud Sompomogunan Kota Kinabalu ontok jaam ko 10:00 doungeosab om nokorikot id Gana Tutubpoon Kapal Tulud Sompomogunan Kuala Lumpur ontok jaam ko 12:30 doungeadau.

Ashley: Au ko dii napaasan poinsakai miagal dii linaid?

Faye: Au nogi tu nakaanu oku tirikohon id toning do titigaon. Soira do apaasan oku, mingimpa oku no id labus maya dii soromin. Ai... okon ko' korita di tapa nu ilo koririkot dilo?

Ashley: Oo, tapa ku nogi. Baa. Mitongkiad kito no diti. Faye. Hino ko no.

Faye: Oo no. Hino ko po.



Uludo' koilaan id siriba tumanud nuludan susuyan id pibarasan di Ashley om i Faye.

Nintangan di upisol id gana tutubpoon kapal tulud o kaad kointutunan om tikit kotuludan pogulu suminakai do kapal tulud.

Minanganu i Faye do tikit kotuludan id kaunto automatik.

Minugad i Faye om paganakan doid Gana Tutubpoon Kapal Tulud Sompomogunan Kota Kinabalu ontok kosuabon tadau Kukuak.

Nokorikot i kapal tulud sinakai di Faye id Gana Tutubpoon Kapal Tulud Sompomogunan Kuala Lumpur ontok jaam ko 12:30 dungeadau.

Nakawaya i Faye id wawayaan di haro o sistom digital montok pomorisaan kotingoligan do tinan om torukut-rukut ii noowit disido.



Iloo' Boros Maan

Boros maan nopo nga boros di gunoon montok popokito do maan di maamaso powonsoyon, maan di nakatalib om nogi maan di nopongo no. Boros maan nopo nga gunoon id gulu do ayat.

Poomitanan:

1. **Popoopi** i Gatun do tusin id bank.
2. **Poopion** di Gatun ii tusin id bank.
3. **Nokoopi** di Gatun ii tusin id bank.


1. **Momonsoi** Elvin do korita id woksop.
2. **Wonsoyon** di Elvin ilo korita id woksop.
3. **Nowonsoi** di Elvin ii korita id woksop.

Kointalangan:

- i. Boros maan **popoopi** om **momonsoi** id sawat nopo nga boros maan di maamaso do powonsoyon.
- ii. Boros maan **poopion** om **wonsoyon** nopo nga boros maan di manahak panatalan doid objek di noontok id ayat. Objek di noontok id ayat dilo nopo nga *tusin* om *korita*.
- iii. Boros **nokoopi** om **nowonsoi** id ayat doid sawat nopo montok popokito maan di nopongo no.



Pomonsoi limo ayat momoguno boros maan kokomoi gambal doid restoran id siriba.





Iloo' Nuludan Ayat MSOM

M = Boros Maan
S = Subjek
O = Objek

Nuludan ayat MSOM nopo nga popohompit kopomogunaan do duo boros maan id iso' ayat.

Poomitanan:

1.	Boros Maan	Subjek	Objek	Boros Maan
	mangahak	ilo noos	dilo susumakit	do mamananu
	Mangahak ilo noos dilo susumakit do mamananu.			
2.	Boros Maan	Subjek	Objek	Boros Maan
	mongoruhang	i Yuna	di tapa dau	rumuba <u>dokutul</u>
	Mongoruhang i Yuna di tapa dau rumuba <u>dokutul</u> .			



Uludo' om suato' kawagu ayat id siriba tumanud nuludan MSOM.



1. i Boby Monguhup do mongulud buuk. di Ean
2. do mambasa. di Echa i Ummiyah Mongia'
3. di Sandra i Fiona Misowoli do mongimuhau.




Napalid id Kopuruan

Ii nopo kaka di pogulu po nga haro o songulun tanak wagu kingaran do i Bintil. Poingion isio id iso' sulap-sulap id **disan** do kopuruan. Id **ogibangan** do sulap-sulap disio nopo dii nga haro kubong-kubong. Hiri no o tadon pongonuan di Bintil do waig monikid tadau.

Insan totuong, nokorongou i Bintil do tuni miagal tanak manuk minguni id **ponsokid** do tionon disio. "Atuk, disai pama dilo manuk napalid baino?" ka di Bintil. Nokopomusorou i Bintil do mongoi pamagamit dii manuk mangan gompio'.

Osikap tomod kaka i Bintil do minongoi panata do suduon montok ponitiu do mamanau. Pamanau no i Bintil minongoi rapou di tuni dii. Tigog ka nga hiri no id **hamad-hamad ponongwanan** do sulap ii tuni dii. Suhuto' no di Bintil ii tuni tu sipomogompi kopio isio do manuk. "Aanu ku po daa gia ilo manuk om haro no o potindukon ku," ka disio id ginawo.

Au po alaid nga hiri no id **siba** o karangahan di tuni manuk. Miwaliu-waliu o karangahan di tuni dii nga suhuton kasari nopo di Bintil do mogihum. Gisom do nohuyan om oruhai no do opupusan ii tinata di Bintil nga amu i' disio narapahan ii manuk di minguni. Kopurimanai di Bintil nga id **tanga** no isio do kopuruan.



Monotos po daa i Bintil mogihum do ralan lumabus mantad id kopuruan dii nga hiri om hiri o orikot di Bintil. Gisom do nopupusan ii tinata di Bintil nga kakal po isio id tanga do kopuruan. Tumongob om orosian i Bintil kobontol do tayam tongolias id tanga kopuruan tu ontok nopo dii nga rondom.

Amu i Bintil nokopuriman do nokoodop tu noindamaan do nohuyan. Maamaso poingodop, nokoipi i Bintil. Haro songulun todudu di anaru tobuk minongoi pomisunud disio. “Manuk nopo di miak-iaak do dountong nga dountalun,” ka di todudu dii. Kapagag om koposik isio mantad todop nga numawau no tatau. Kopurimanai disio nga poingodop isio id **timpak** watang di agayo. “Ai, poingkuro kopio oku di minamanau kosodop tu hiti oku nokoodop? Nonggo no di wayaan ku do gumuli diti?” ka di Bintil mimbobok do osuayan.

Pingimpa no i Bintil om korongou isio do tuni miagal waig lumuyung id **siba-iba** di kinoodopon disio. Poruhukai no disio gisom nokobontol do iso' kubong-kubong. Pamanau nopo kaka i Bintil suminusui id **disan** di kubong gisom nokobontol do iso' kinoyonon sosogohon. Nokotigowo i Bintil tu ii nopo sosogohon dii nga i sagahan kasari disio do waig. Osuayan kopio i Bintil tu napalid isio id kinoyonon sondii. Undorong no i Bintil miampai minirikau id timpak do watu om pomusorou no di nipi disio. “Ii no kanto nakapalid doho tu amu ii’ pama milo do gusaon o manuk puru,” ka di Bintil. Mantad dii, nosiliu pogoduhan do momogusa o tuni do manuk puru tu kapalid.



Patayado’ om wansayai do ayat o boros ponontuduk ralan di noguno id susuyan diti.

Pomusarahai kararaalano’ mongilag do apalid?



Komoyon Boros: r^ondom – otuong tomod tu au kotoguang do pomogunan o boogian do tulan di anawau.



Soriuko'

Pogun Sabah nopo nga nointutunan miampai mogisuusuai tinunturu koubasanan. Ogumu kinoyonon id pointongkop do pogun i popoindalan do pongindopuan id kaganaan momonsoi om papataran do asil tinunturu. Kogumuan nopo do tinunturu di wonsoyon om pataranan id pogun tokou nga winonsoi mantad susumuni sandad miagal ko poring, tuai om kulit do kayu. Gambal id siriba nopo nga popokito kouyuuyun do iso' kinoyonon di papataran asil tinunturu id Pogun Sabah.



balatak



kukurungan



sirung



lampis



rilibu



bubu



A. Poindalano' o ponoriukan maya Internet.

Pogihum do koilaan kokomoi kakamot tinunturu sandad tinaru Kadazan om Dusun. Koilaan nopo di soriukon nga kaampai no ngaran, kogunoon om kakamot pinomonsoi.

Ngaran Tinunturu	Kogunoon	Kakamot Pinomonsoi
Kukurungan	Pokurangan do manuk	Poring, tuai



B. Pabantao' asil ponoriukan nu maya aktiviti Gallery Walk.



KARAMAYAN ID POGUN SABAH



Kinongoho'



Karamayan do Rumbio

Kiaton...
Sinunion opinsod,
hilo id rana-rana,
agayo guas aparad,
wonsoyon do palampag.

Kiaton...
Guas rumun songongi,
pogihuman do butod,
taakanon nointutunan,
dati do koubasanan.

Kiaton...
Sinorut mantad roun,
opipid nung oulud,
au osobot do darun,
taap do gulu-gulu.

Kiaton...
Karamayan Rumbio,
taandakon Dusun Tatana,
kasarahan do rumbio,
puun ogumu guno.

Sinupu di: Katia Mapaas



A. Roito' boros kikonsonan /d/ mantad hiis.



B. Umbalai dikoyu monindu boros kikonsonan /d/ id kaad boros di pokitanan.

NUUT
MORCINCIA'


- Suhuon o tangaanak popolombus do hiis.
- Suhuon o tangaanak mamarait boros kikonsonan /d/.



Karamayan Kubis id Kampung Ku



Kinongoho' teks id audio om posunudo' dikoyu idea toponsol mantad teks.





Basao' om toinuo' ijaan do boros ngaran.

To : maygeo@gmail.com,

Cc Bcc

Subject : Karamayan Poring



Hai May.

Nunu abal nu?

Alasan oku do olidas ko kasari miampai paganakan nu. Nokosiwat oku nogi sumimbar do e-mel nu tu haro kobolingkahanganku di piipiro tadau nakatalib. E-mel ku nopo baino nga orohian oku popoilang dika di nawaawayaan ku ontok Karamayan Poring id watas Tambunan.

Ontok karamayan dii, ogumu kakamot nokito ku winonsoi mantad poring. Haro winonsoi do bakaang miagal ko' balatak, wakid om bangkala. Haro nogi winonsoi do tuunion miagal ko' sompoton om togunggak.

Haro piipiro abaabayan do pinaharo ontok tadau karamayan dii. Haro abaabayan popokito kawo do poring, haro nogi sipoot koubasanan miagal ko' rampanau, piboi'an *Acoustic Bamboo Band*, piboi'an mogonsok taakanon koubasanan mantad soko om haro nogi piboi'an Ratu Rekaan Fesyen Poring.

Nokosiwat oku nogi minumbal do minrampanau. Suai ko' ii, minumbal oku mangakan do rinapa mantad soko sinamayan do birid. Minongoi oku intong di piboi'an *Acoustic Bamboo Band* om piboi'an Ratu Rekaan Fesyen Poring. Ounsikou ginawo ku nokotindapou id karamayan dii tu nakaanu oku koilaan kokomoi kogunoon do poring.

Gisom no hiti e-mel ku di baino. Alasan kopiromut kito kawagu id e-mel ontok timpu dumontol.



Send



Uludo' on suato' koilaan mantad e-mel tumanud nuludan di kotunud.

1. Minumbal oku nogi do minrampanau. ()
2. Tuminindapou oku id Karamayan Poring. ()
3. Haro piipiro abaabayan pinaharo ontok tadau dii. ()
4. Ogumu kakamot nokito ku winonsoi mantad poring. ()
5. Nakaanu oku koilaan wagu ontok do Karamayan Poring dii. ()

2.4.3

NUUT
MONCINGIA'

- Suhuon o tangaanak mambasa teks e-mel.
- Suhuon o tangaanak mongulud panandatan tumanud nuludan di kotunud.



Tadau Krismas

Norikot no tadau do Krismas. Taandakon o Tadau Krismas ontok tadau 25 wulan Momuhau do tikid toun. Ramayon iti do tulun di kiugama do Kristian. Mamaramai nogi o paganakan di Lenny do tadau diti. Haro apat tulun yolo id sampaganakan, i tapa, i tina, i Lenny om songulun taka disido, i Renny. Hopod om apat toun no umul di Renny. Poin sikul id sikul piintangawas.

Kosuabon di ontok Tadau Krismas, nokopogulu i Lenny do noposik. Koponginlagup po, ongoi no isido pongimuhau id sirang om dimbas do walai. Kopongo mongimuhau, tilombusai disido minongoi papalasu waig id dompuran. Au alaid, koposik no ngawi i paganakan disido.

Labus no i Renny mantad toodopon disido om irikau no id sirang do walai. Mingis-ngingis isido poingintong di telefon kandai disido. I tina nopo diolo nga minongoi popotounda do tiinumom om taakanon kosuabon dii. Daamot mandad kotounda di tina i tiinumom om taakanon, ongoi no i Lenny poposuang kain do pupuan id mesin pomupu. Kakal po i Renny poirikau id sirang do walai. I Tapa nopo nga minongoi ponungu do kinotuan id natak walai.

Kopongo po i Lenny pinoposuang di kain id mesin pomupu, ongoi no isido podsu. Kopodsu i Lenny, ngoyo po disido pakayado i kain nopupuan pogulu minamakai rasuk wagu tu mongoi yolo sambayang id panambayanan ontok do jaam ko 9:00 dounge suab. I Renny nopo nga au po nokoingkakat mantad id sirang.

Kapananrasuk po i Lenny, tilombus no isido id dompuran do minuhup di tina disido popotounda galas om piring id mija pangakanan. Suhuo' no di tina i Renny mongoi podsu tu koihi nopo mintong telefon om au di kosorou mongoi podsu. Kopongo minomonsoi kalaja om minakan, tounda om ibok no yolo sampaganakan minongoi sambayang.

Nokotimpun o sambayang di jaam ko 9.00 dongsuab id panambayangan. Ogumu tulun nokorikot miampai paganakan sondii. Mogitaatabi om mogibabas-babas ngawi toinsanan di nokorikot. Nokopongo yolo suminambayang di jaam ko 11.30 dongsuab.

Kouli po id walai, pihup no i Lenny om i tina disido popotounda do taakanon dongsadau. I Renny nopo dii nga minirikau mintong televisyen miampai di tapa disido.

Ontok di soosodopon, haro piipiro tulun simbol nokorikot minongoi rumo id walai diolo. Suhuo' no di tina i Renny do poposurung di tindalam om tiinumon butul. I Lenny nopo nga minongoi paganu do galas. Nokosurung po i tindalam om tiinumon, tilombus no i Renny suminuang id linimput toodopon. I Lenny podii minongoi pangambalut di tongotombului id sirang miampai di molohing disido.

Ounsikou i Lenny tu nakapanaandak Tadau Krismas miampai paganakan om tongosombol disido.



Tandaai (✓) kointalangan nung kowoowoyoon di Renny toi ko' i Lenny.

	Kowoowoyoo'	Renny	Lenny
1	Kopogulu mosik mantad ko i molohing disido.		
2	Minog suhuon di molohing.		
3	Oposik om mirikau id sirang do walai.		
4	Koihi nopo mintong telefon kandai.		
5	Au monguhup momupu kain.		
6	Au orohian mangambalut do tombului.		
7	Osuau kumaa wokon.		
8	Otoluod kumaa tombului.		
9	Abagos mongoi sambayang.		
10	Monguhup di tina popotounda takanon om tinumon.		



Manaandak Tadau Raya Aidilfitri

Maamaso di Atikah om tongotombului disido mogiboros-boros id tindalanon mongoi tombului hilo id walai di Ayu ontok karamayan Tadau Raya Aidilfitri.

Atika: Kotunud kou walai di Ayu?

Emmy: Kotunud. Walai nopo di Ayu nga hilo id tompok do ralan diti. Kiihiro hopod o minit pamanahan kumaa hilo.

Bryan Lee: Walai nopo di Ayu nga id toning do walai di Masnah.

Daamot dii, atangkangau i Inai Raziah on tangaanak disido poposodia taakanon om tiinumon montok posurungon kumaa tombului.

Inai Raziah: Syarul, kakato' ilo mija tosiriba papaaliu kumaa hilo id pisuk.

Syarul: Nokuro tu powolihon ilo, ina?

Inai Raziah: Posoliwan oku iti mija takawas. Pasakayan tokou do taakanon.

Syarul: Ayu, piantayangai kito iti mija.

Ayu: Ba. Kano no.

Inai Raziah: Ongoyo' no dikoyu ii taakanon om tiinumon id dompuran id suang do lamari. Uludo' ku po ilo tongobuuk dikoyu huudi id susut lamari televisyen.

Ayu: Nonggo poyanan diti biskut, ina?

Inai Raziah: Pouludo' hilo id timpak mija. Ayu, ino nopo jaag nga poilihon hilo id doros dilo poyanan do biskut.

Au alaid, korikot no i Atika om tongotambalut disido hilo id walai di Ayu.

Atika: Assalamualaikum. Kotobian Tadau Raya Aidilfitri.

Ayu om Syarul: Waalaikumussalam. Kotobian Tadau Raya Aidilfitri nogi.

Inai Raziah: Kotobian Tadau Raya Aidilfitri. Suang kou no.



A. Patayado' o boros ponuduk kinoyonon i okito mantad pibarasan.



B. Potunudo' o boros ponuduk i nakasala id panandatan id siriba.

1. Pinoiliu di Zurinah ii jaag id **sakai** do poyanan biskut .
2. Noinum no disio ii kupi id **susut** do galas.
3. Kinoyonon nopo walai di Binus nga id **suang** do Bawang Goruntung.
4. Walai ku nopo nga id **pisuk** do walai di Pavitra.





Boros Ula nopo nga boros di manahak korotian konsep kouyuuyuo' montok papatarang do:

- boros ngaran, warana, bontuk, ponuku, pancaindera, timpu, kowoowoyoo boros ngaran, topurimanan om sinodu.



Ogumu tombului




Opoto takanon

Karamayan
Kaamatan



Ounsikou rumamai



Aayas tuni tagung



Olumis gonob



Suato' panandatan tumanud frasa om gambal.



A. Gonopo bangki do bahul id siriba momoguno boros di kipimato /d/, /b/, /d/ om /b/.

- | | | | |
|------------|---------|---------|--------|
| Koubasanan | umandak | olundus | basaan |
| Sumundai | tomod | bulawan | mantad |

Bahul Karamayan Tagung

Tindo-tindot tuni do tagung, tagung kumanis Motunggung, kanou tokou mintong mangagung, ontok do Karamayan Tagung.

Osindak sigar di anak wagu, ogingo linumis di , kiwotik vinusak o , koilo kitapi tosindak.

Ounsikou do mongoi ramai, tokito ngawi toinsanan, po o pongolon, kada lihuai o .



B. Suato' sopilimo boros do kipimato /d/ om /b/ mantad audio.



Komoyon Boros:
Bahul – Iso kawo do hiis mantad tinaru Rungus



Koligaganan Mangantob Karamayan

Laang monuat panandatan manahak sogu kumaa do suai tulun.

1. iloo' o kobolingkangan di notimbaba.
2. ilo'o ralan ponolibamban di kobolingkangan.
3. ilo'o boros sogu di kotunud montok popolombus sogu.
4. suato' panandatan manahak sogu.

Poomitanan:

Kobolingkangan – nokotimbaba koligaganan toruol covid 19

Ralan ponolibamban – mundorong id walai montok mongilag do orolihan toruol

Boros panahak sogu – Id pomusarahan ku

Panandatan

Id pomusarahan ku, oponsol do mundorong tokou id walai sabaagi ralan mongilag do orolihan tokou do toruol covid 19.



Gonopo' panandatan momoguno boros manahak sogu di kotunud.

Otumbayaan oku

Okito ku nopo

Opurimanan ku

Id pomusarahan ku

1. _____, awasi daa do papaharo tokou pogitiitimbungakan montok mogihum karaaralano' mongipop kopigorooroli o toruol diti.
2. _____, iti no virus covid-19 o toruol di kotongob do sompomogunan.
3. _____, osikap tumalib iti toruol nung haro sokodung mantad toinsanan mogiigion.
4. _____, katanud no o kogumuan mogiigion do koubasanan kawawagu loolobi no ponuhuan momoguno ponompon do kabang om todung.



Karamayan Tadau Kaamatan

Taboi-aboi ku langu,
Aboi korokiyantai,
Sinding dong gulu-gulu,
Parangahan ku'd koyu.

Tadau do kaamatan,
Ramayon tokou ngawi,
Iri no koubasanan,
Tulun kadazandusun.

Taandakon tikid toun,
Royoho bambarayon,
Manampasi do tanom,
Parai kopoposion.

Pitimungan tinaru,
Pointongkop pogun Sabah,
Ramayon toinsanan,
Gisom do songigisom.

Rikot no unduk ngadau,
Opuhawang ginawo,
Linumis do ngingis nu,
Roroiton do tulun.

Sinupu di: Katia Mapaas



BASAAN OM KAKAMOT POMOGINGO



Kinongoho' om Iloo'



Monguhup di Ina Momolopi Basaan



A. Roito' boros ponuhan i norongou mantad audio.



Abagos monguhup molohing do momonsoi nunu nopo kalaja.



B. Polombuso'

Poomitanan:



Ayat Ponuhuan	Posowito' ino basaan sikul id lamari nu.
Kawo Ayat Ponuhuan	Ayat monuhu.



Ayat Ponuhuan	☺
Kawo Ayat Ponuhuan	☺



Ayat Ponuhuan	☺
Kawo Ayat Ponuhuan	☺




Ayat Ponuhuan	☺
Kawo Ayat Ponuhuan	☺



Nuut Boros

Kiwaa tolu kawo do ayat ponuhuan:

1. Ayat Monuhu
 - Oguno ayat diti montok manahak ponuhuan toi ko' kapasarahan.
2. Ayat Pogoduhan
 - Oguno ayat diti miampai boros pogodu miagal ko' **kada, au tagal** om **au minog** pogulu do boros maan. Kitudu o ayat diti do mogodu sosongulun do momonsoi isoiso' ahal.
3. Ayat Pokionuon
 - Oguno o ayat diti nung monuhu toi ko' mokianu.



Ayat Ponuhuan	☺
Kawo Ayat Ponuhuan	☺



Ayat Ponuhuan	☺
Kawo Ayat Ponuhuan	☺



Kopoilaan Pomukiiman Sikul

Maamaso i Gary om i tina disio popotounda do kakamot i gunoon montok pomukiiman sikul ii pinaanjul do Unit Kiunifom sikul.



A. Uhupai ii Gary do popoilo ponuhuan di Mongingia' Doti kokomoi koilaan pomukiiman.



B. Toinuo' ngawi kakamot di kawasa om au kawasa do owiton id pomukiiman.





Basao' om iloo'



Basaan Susumayau Sumazau

Oponsol o aspek basaan id isoiso' kosolimbahan koubasanan. Suai ko' kagayat ginawo di mongintong, kaanu nogi basaan dii popointutun do kolumison do koubasanan isoiso' tinaru i tinungkusan kodori di au milo do gatangan.



Basaan Kusai

Gaung nopo do susumayau kusai nga winonsoi mantad kain baldu toitom. Tombiran do manik-manik om banang amas i roitan do linda. Tombiran nogi iti do bamban amas i roitan do labuan. Souva nopo do susumazau kusai nga winonsoi nogi mantad kain baldu toitom. Souva nopo diti nga sindakon do linda.

Suai ko' gaung om souva, oponsol nogi kakamot pomogingo do suai miagal ko' siga. Siga nopo nga potokopon id tulu di susumayau do kusai. Winonsoi o siga mantad kain dastar om sinindak do banang amas.

Tabot nopo nga pomogingo do susumayau i poogoton id tawak. Winonsoi iti mantad kain toomod i kiwarana do aragang om oitom.

Momoguno o susumayau kusai do sandangon toi ko' sandang. Pomogingo nopo diti nga posowiton ponong tawak. Winonsoi iti mantad roun hisad.

Basaan Tondu



Basaan susumayau tondu nopo nga roitan do sinuangga. Miagal do basaan susumayau kusai, basaan diti nga winonsoi nogi mantad kain baldu toitom om tinombiran do linda. Sinindak o basaan diti do bamban betawi i roitan do labuan.

Suai ko' ii, susumayau tondu nopo nga manambasaan do tapi. Winonsoi o tapi diti mantad kain baldu kiwarana toitom. Sinindak do banang amas o tapi diti.

Wookon nopo do kakamot pomogingo do susumayau tondu nga solindang. Pisopilangon o solindang id kangkab. Suai ko' ii, himpogot nga oponsol nogi do pomogingo susumayau tondu. Winonsoi iti mantad topisa British doungguugulu. Poogkosen ponong id tawak o kakamot diti.

Tangkong nopo nga kakamot do pomogingo i poriliton ponong tawak. Koubasan nopo nga wonsoyon o tangkong mantad tambaga.

Tadon kinoonuan: Mari Menari Tarian Sumazau, 2016
Lembaga Kebudayaan Negeri Sabah




Komoyon Boros:
topisa – tusin taparak





Gonopo' boros pinisuhat id siriba.



Poruhukan

1. Bamban ponindak do gaung nopo nga roitan do .
2. Roun hisad nopo nga wonsoyon do .
3. nopo nga wonsoyon mantad tambaga.
4. Siga nopo nga winonsoi mantad kain .

Pahamadan

5. Gaung, souva, sinuangga om tapi nopo nga winonsoi mantad kain toitom.
6. Poogoton o id tawak do susumayau kusai.
7. nopo nga potokopon id tulu do susumayau kusai.
8. nopo nga banang amas i potombiron id basaan do susumayau.
9. Winonsoi mantad topisa Britis doungguugulu o .
10. Pisopilangon o id kangkab do susumayau tondu.



Basaan Koubasanan

Minomonsoi i Zara om tambalut sangkalas disido do ponoriukan kokomoi kakamot pomogingo montok momonsoi buuk skrap. Minimpanau yolo id tomu mogihum do koilaan maya ponurubungan.

Zara: Piro no linaid nu do papataran hiti?

Zandi Rotina: Au nogi alaid kopio. Tolu nogi toun om loolobi.

Zara: Nonggo dii ngawi nokoonuan nu do basaan om kakamot pomogingo diti, zandi?

Zandi Rotina: Haro winonsoi ku sondii om haro nogi binoli ku mantad tambalut.

Zara: Nonggo tiso winonsoi nu?

Zandi Rotina: Huudi kakamot di tongokoro winonsoi ku. Ilo golong mantad butia, huudi pinakol om sandangan.

Zara: Okito ku, haro nogi piipiro kawo basaan koubasanan pataranon nu. Haro nogi tangkong.

Zandi Rotina: Otopot. Suai ko' pataranon, haro nogi paalasan ku. Ogumu tulun mogihum do basaan nung miririkot o Tadau Kaamatan.

Zara: Orongou ku do apagon kopio gatang dilo tangkong.

Zandi Rotina: Otopot ino Zara. Haro tangkong di korikot do ribu o gatang.

Zara: Nunu lansanon nu montok popoburu do pongindopuan basaan koubasanan diti?

Zandi Rotina: Alansan oku do lobi po daa ointutunan o tinaru tokou maya basaan om kakamot pomogingo diti. Alansan oku nogi do kitoilaan om orohian o sukod wagu do minsingilo momonsoi basaan toi ko' kakamot pomogingo.



Simbaro' ponguhatan id siriba.

1. Id nonggo o kinoyonon do ponorubungan diti?
2. Nunu ngawi pataranon di Zandi Rotina?
3. Soira kaantakan di ogumu tulun mogihum do basaan koubasanan?
4. Posoguo' karaaralano' popointutun basaan tinaru Kadazan om Dusun. 🍄





Intutunai o Patikol 'o'

Patikol 'o' nopo nga mananda do iso frasa ngaran i au pointantu nga osiliu fokus di hondomon poinfokus.

Poomitanan:

Ogumu o basaan koubasanan pataranon di Zandi Rotina.



Suato' kawagu panandatan kiwarana aragang miampai poposuang do patikol 'o' di kotunud.





Pongohulitan Putul Boros

Owonsoi o boros diti maya pongohulitan kawagu do putul boros di kumoiso doid boros guas dii.

Poomitanaan:

Boros Guas

putul

tarom



tagak

Boros Misaup

kopuputul

ataatarom

kataatagak



A. Ihumo' boros misaup pongohulitan putul boros.

I Mary

I Mary nopo nga songulun tanak otiil kiumul II toun. Au isido mokinongou pononsundan di molohing disido. Aanangan isido mintong televisyen.

Insan tatau minodtudau isido minintong televisyen om au mokinongou di tina disido monuhu modop do tosupung. Kosuabon dii, asaasarap po korikot no ii baas sikul tonudon disido. Poingandad ii baas sikul id soliwana lamin. Mulong po tu' pinposikan isido di tina disido nga au i opooposik.

Kotigog om tungag no isido nokorongou kohur di baas. Sikapai no disido do tumounda. Naganggarau isido manambasaan basaan sikul. Sikapai disido minanangkasut om panangkus no do sumoliwan nga kapaapanau di baas.

Awasi tu au po osodu kopio nakapamanahon di baas om undorong di minagandad di Mary. Songirak-irak podii tongotambalut sikul kokito do kouyuuyuon di Mary. Kosiisian o kokitanan tu tobuk songinsurugau om kasut nga nagayadung. Araaragang po turos disido noikuman.

B. Gonopo' jodual id siriba.

Boros Guas

silou

lumis

Boros Misaup

mogikaakawo

koruuruba



Komoyon Boros:

nagayadung – pananangkasut toi ko' pononsolipar di au kotunud. Kasut toi ko' solipar di dung gibang pomsulung id wanan om i dung wanan pomsulung id gibang.



A. Gonopo' pibarasan id siriba momoguno boros ponuhuan di kotunud.

Uhupan

Bolian

Kada

Pongoon

Pupuan

Au tagal

Mibooboros i Farid om i tina disio maya telefon.

Hiti oku no walai ina.
Nonggo ko?

Oo. kalaid kio ina. Bolian oku
no do sutakin sikul. Noruhak no
sutakin ku. oku po sampasang.

O ba, ina. Tonudon ku no
boros nu. Hino ko no.



Hiti oku kada.
Momoomoli oku po.

O ba, Farid. Bolian ku ia. oku no
maganu di kinayad nung rumasam.
 no kalaja sikul nu. no
ino basaan sikul nu. mongoi
pimbuul nung rumasam. Hino kopo.



B. Ponuat panandatan ponuhuan tumanud gambal.

1



2



3




4



3.1.1
3.2.3



A. Momonsoi Replika Sirung



Laang momonsoi:

1. Lukiso' bontuk ourod momoguno do CD om guntingon.
2. **Kalatas a** - Lopio' do momonsoi 4 boogian. Iduo' iso boogian.
Kalatas b - Lukisai bontuk ourod minrilit mantad disan gisom tanga.
3. **Kalatas a** - Ruludan om guntingon.
Kalatas b - Guntingo' tumanud rulud.
4. • Powotuo' i kalatas b id kalatas a.
• Popioputo' i kalatas sumiliu bontuk sirung.



B. Pomonsoi Poster Sirung



- ◆ Gambalo' sirung di nopongo om pomonsoi poster maya aplikasi di kosudong id telefon kandai.
- ◆ Posolim**ba**ho' maya tinimungan media sosial miagal *Whatsapp*, *Facebook* om susuai po.




OMITAI TANGAWASI



Pisuayo'

Tanak Sikul A



Tanak Sikul B



Pogibaabasai

1. Posunudo' kowoowoyoon do tanak sikul A om B.
2. Nunu kotutukon nung kikowoowoyoon miagal dilo tanak sikul B?
3. Potolinhaso' pionitan ponguludan timpu om kalantayan tosonong id balajalan.

NUUT MONCINCIA'

- Tapanayon o tangaanak popionit do karaaralano' mongulud timpu miampai kootuson doid balajalan.



Gatango' Timpu, Tamangai Kolidasan



Baino nopo nga mogibooboros tokou kokomoi pangakangan di kolidas. Nunu torotian dikoyu komoyon pangakangan di kolidas?

Makan tumanud timpu di pointantu.

Otopot ino, Grace. Ai, nokuro ko Dino? Oluuk ko okito ku.



Pogibaabasai

1. Nunu o kobolingkangan notoguang di Dino?
2. Nokuro tu orualan do tian i Dino?
3. Posusuyo' nuludan kinaantakan nawayaan di Dino.
4. Panahak piipiro sogu kokomoi karaaralano' monolibamban do kobolingkangan notoguang di Dino.



Gunoo' no o timpu toliwang montok aktiviti di kikounalan.





Basao' om Simbaro'

I Herry nopo nga songulun tanak di okikit. Tikid tadau, haro kasari nopo topod do tusin disio mantad id sikul. Topod nopo do tusin dii nga tinimung di Herry id tabung disio winonsoi mantad poring. Insan tadau, kokito no di Herry do noponu no i tabung disio. Pomusorou no i Herry karaaralano' popoopi do tusin disio mooii do au atagak.

Herry: Apa, kawasa oku no nangku mongukab do akaun id bank? Hopod om iso' toun nogi o umul ku.

Tapa: Kawasa bo. Ii tangaanak di kosusuusu nga kawasa nogi pongukaban molohing diolo do akaun bank.

Herry: Oo. Noponu no i tabung ku. Osorou-sorou ku daa ngoyon poopio' ii tusin hilo id bank.

Tapa: Oogot o tonggom nu. Kawasa bo. Osonong no kopio ino.

Herry: Haro nangku kabarai do mongoi pongukab do akaun hilo id bank, apa?

Tapa: Aiso komoyon do pabarayon nga oponsol ko popoopi soginumtu tusin id akaun bank nu. Posuangon nopo ngawi ii suang do tabung nu.

Herry: Poingkuro nung haro kogunoon ku di tusin ontok timpu dumontol?

Tapa: Kawasa posoliwanon kawagu ii.

Herry: Baa. Mokikoruhang oku dia mongoi pongukab do akaun bank, apa.

Tapa: Mongoi kito pongukab akaun bank ontok timpu koundarangan sikul.

Herry: Baa. Kotoluadan, apa.

Tapa: Miagal nopo.



A. Posuato' nung OTO POT toi ko' KASALA.

1. Haro kabarai do mongoi popoopi tusin id bank. ()
2. I Herry nopo nga tanak di ogorot do minsima-sima. ()
3. Au kawasa tanak kiumul turu' toun mongukab do akaun bank. ()
4. Kawasa tokou poposoliwan do tusin di nokooi tokou id bank. ()
5. Popoopi do tusin id bank nopo nga iso' karalano mongilag minsima-sima. ()



B. Patayado' woyo toluud mantad teks pibarasan id sawat.

Nokuro tu komoyon do oogot tonggom o tulun di okikit?





Kimpin Monimung Tusin do Kalas Toun 5 Dundurok

Monimung do tusin nopo nga iso' koimaan di awasi. Kiwaa mogisuusuai karaaralano' monimung do tusin. Kawasa tokou popoopi do tusin id poyanan do tusin di winonsoi mantad sandad posorili miagal ko' poring, palangko om tempurung do piasau. Kawasa nogi timungon o tusin id kinoowian do taakanon miagal ko' tiin ruti om nogi id tabung di binoli id kadai.



Ogumu kounalan do monimung tusin kaampai no kopongilag kowoowoyoon minsima-sima. Sokiro nopo do onuan tokou molohing do tusin montok pomoli taakanon id sikul, kawasa do poopion id tabung o wookon di tusin mooi do au tokou minsima-sima.

Kawasa nogi do gunoon o tusin di notimung id tabung ontok do haro o kogunoon id timpu dumontol. Kawasa tokou momoguno tusin di notimung montok momoli kakamot kosionuan tokou sondii miampai au minog tuhup kousinan mantad molohing tokou.

Suai ko' ii, kaanu nogi koimaan monimung do tusin popogirod sunduan pogihupan nung poindalanon ii id tinimungan. Sabaagi poomitanan nopo nga monimung tusin miampai do tambalut id kalas montok pomoli kakamot pomogingo do kalas.



Pinahaparo o tangaanak Toun 5 Dundurok id Sikul Kabansaan Ulu Sapi do kimpin monimung tusin. Kimpin nopo dii nga binuruanan di mongingia' kalas diolo, i Mongingia' Lubiah. Tuduan kinapaharaan do kimpin dii nopo nga montok monimung kousinan di oguno id aktiviti di poindalanon do kalas diolo kaampai no kapanaandakan Tadau Mongingia', kapanaandakan Tadau Poingukab Kaamatan om pomoli kakamot pomogingo do kalas. Pinaharo o kimpin monimung tusin dii mantad wulan Milatok gisom wulan Milau.




Nakaampai o toinsanan hopod om walu tulun tangaanak sikul id kalas Toun 5 Dundurok id kimpin dii. Tikid songulun nopo diolo nga pinopotounda do poyanan tusin diolo sondii. Monikid kopupuson do wulan, intobon diolo o tusin di notimung.



Ontok di wulan Mikat, nintob diolo ginumu tusin di notimung montok limo wulan tu kipalan yolo manaandak do Tadau Mongingia'. Carta id siriba nopo nga popokito ginumu tusin di notimung do tangaanak id kalas Toun 5 Dundurok montok limo wulan.

Tobungan Toun 5 Dundurok



Simbaro' ponguhatan id siriba.

1. Nunu kakamot di kawasa gunoon montok ponimungan do tusin?
2. Patayado' kounalan monimung do tusin tumanud teks id sawat.
3. Nunu tuduan kinapaharaan do kimpin dilo?
4. Piro linaid kinopindalanan do kimpin dilo?
5. Piro tulun tangaanak id kalas Toun 5 Dundurok i nakaampai id kimpin dilo?
6. Intobo' ginumu tusin do notimung diolo montok limo wulan.
7. Piro ginumu tusin notimung do tangaanak id kalas diti di bobos okuri?
8. Wulan kopiro di bobos do ogumu o tusin notimung do tangaanak id kalas Toun 5 Dundurok?
9. Mantad pomusarahan nu, nokuro tu okuri o tusin do notimung do tangaanak diti ontok wulan Mikat?
10. Poingkuro karaaralano' tangaanak id kalas diti kaanu momoruhang ginumu tusin di otimung diolo?



Komoyon Boros:

palangko – rati suai nopo do palangko nga raak di pointapil id kinoyonon di akawas-kawas id limput





Intutunai Patikol

Patikol nopo nga tinimungan boros di au kawaliu nga haro o kogunoon id puralan boros.

Patikol	Kointalangan	Poomitanan
Patikol i	Patikol i nopo nga gunoon montok popisuai frasa ngaran pointantu om i <u>d</u> umadi do fokus kumaa boros koimaan.	Mongimuhau i Siza doid natak lamin diolo.
Patikol do	Patikol do nopo nga gunoon montok mananda iso' frasa i au pointantu om okon ko fokus i hon <u>d</u> omon.	Mongintob i Silvin do tusin disio.



A. Gonopo' ayat id siriba momoguno do patikol *i* toi ko' *do*.

1. Mangakan Jalina tua' rangalau hilo natak lamin disido.
2. Miboros-boros William om Norman kokomoi iman-imanon diolo.
3. Monimung Kika titoluod montok tambalut di nasaraban lamin.
4. Kada pangakan taakanon di au olidas tu kopogowit waya di au osonong montok kolidasan nu.



B. Pilio' patikol di noguno miampai pointunud id ayat.

1. Abagos (**do, i**) Didin do balajal id sikul.
2. Monguhup i Lala di tama dau popotinduk (**i, do**) manuk.
3. Momuhu (**do, i**) Azam do siamut id posorili (**i, do**) dewan sikul.
4. Nokorikot nogi (**i, do**) Samantha mantad id pogun Sarawak kosodop.
5. Minguyat (**i, do**) Abner om (**do, i**) Aden id gana monikid sodopon tatau Kukuak.



C. Pomonsoi limo ayat momoguno patikol *i* om *do*.





Pomoroitan Ginumu

Pomoroitan ginumu nopo nga popiumbangan do Boros Ngaran Koizaai i popokito do ginumu. Haro duo kawo pomoroitan ginumu kaampai no pomoroitan ginumu ointob om pomoroitan ginumu au ointob.

Pomoroitan Ginumu Ointob

Ginumu nopo nga intobon momoguno do numbul.

Poomitanan:

iso', hopod, hatu, riong



limo tinan tua' tawadak



tolu guas lado toitom

Pomoroitan Ginumu Au Ointob

Ginumu nopo nga intobon momoguno do pangadang toi ko' buburuon.

Poomitanan:

i. Pangadang – sangkakanan, sompuru, santangga



santangga waig

ii. Buburuon – sambabut, sansaan, sonsonggol



sonsonggol balatung



Posuato' o boros ngaran montok pomoroitan ginumu id siriba montok momonsoi frasa i popokito ginumu.

Pomoroitan Ginumu	Boros Ngaran	Frasa
finan	i. manuk ii. sadur	i. limo tinan manuk ii. songinan sadur
guas	i. puun mangga	
tim ba uk		i. sontim ba uk waig
saan		
lampis	i. sangop	
tiin		i. duo tiin ruti






Momoguno Pomoroitan Ginumu id Ayat



Pomonsoi ayat di kosudong montok pomoroitan ginumu id siriba.



songinan sada

sangkaping ruti




sambasung tupolo





Dompuran Wagu di Aki Gibu



1 tadau minggu –
rasam tasapou –
tongus topuhod



2 puun kayu tagayo
– nahaba –
nokootung walai di
Aki Gibu




3 ogumu naraag –
nourias dompuran –
tumongob

6 ounsikou –
dompuran wagu –
monongkotoluod



5 mogiigion –
minogi'uu'uhup
monginsonong
– pinopotoluod
kakamot



4 Luguan kampung
– minomolohou
mogiigion –
pitimungan
taarau-arau –
monguhup



Ponuat susuyan tumanud gambal momoguno boros om frasa di nokosodia.



Kitonggungan tokou monguhup do tulun suai id kosusaan.





Tuntura Ponginsasamod

Tuntura tura basoi,
 molos oku do wasoi,
 pogkuro nu do wasoi,
 panagad kud sonsonon,
 pogkuro nu sonsonon,
 wonsoyon ku tobubut,
 pogkuro nu tobubut,
 poyanan ku do wagas,
 pogkuro nu do wagas,
 kuyutan ku mangayou,
 isai ngaran toyohon,
 tanak di Marandai.

Kurubut...
 hondia kou gangaanak,
 ountunan kou salangan!

Pinosusui di: Inan Kondusun Julia Gilong
 (Kampung Nadau, Kiulu)

Tuntura nopo nga
 polombuson montok
 monisiwo do tangaanak
 di pogulu po.



Komoyon Boros:

1. mangayou – mongoi pomuhaboi
2. salangan – iso' kawo puun di agayo
3. wasoi – kapak



Poilango' pomusarahan miampai tambalut.

1. Nokuro tu asaru do gunoon o tuntura montok monginsasamod do tangaanak di gulu po?
2. Soroho' kawagu karaaralano' monginsasamod dikoyu di ongokoro kou po. Posusuyo'.

Pisuayo' karaaralano' monginsasamod do tangaanak di pogulu po om id timpu dinondo.



KAKAMOT SUANG LAMIN



Mokinongou om Moboros



Lanjang Dounggulu-gulu om Lanjang moden



**Kinongoho' pibarasan di Lanjang Moden om
Lanjang dounggulu-gulu id audio.**



Mongihum kounalan om koluhoyon.

NUUT
MONGINGIA'

- Suhuon o tangaanak mokinongou audio.
- Suhuon o tangaanak momili om poboros frasa di kosudong sabaagi woyo toluud potoundaon do mongingia' o frasa.



Rangalau Montok Sombol

Insan tadau, ontok koundarangan sikul notiitimum sampaganakan di Mamai Lontop id natad do walai diolo. Ontok nopo dii nga noonsok no tua rangalau.



- Tina: Lani, wansayai do jus oren ii jaag. Suangai no ais watu. Kada lihuai mongowit galas do posurung ko.
- Lani: Oo no, ina. Tuuhan oku nogi oontok dilo linasu tadau. Apa, undorong po. Nonggo i Lali? Lali, Kanou minum jusus oren!
- Tapa: O', kotoluadan Lani. Lali, kanou minum! Timungon dikoyu ilo tua noupu om posuango' hilo id balatak. Okito ku haro no limo balatak ilo.
- Lali: Apa, poingkuro tokou mangawi dilo mangakan? Ogumu tomod.
- Tapa: Adada, au tokou kaawi mangakan dilo! Sunudan dikoyu tongosombol do mogongoi dilo tua' rangalau.
- Lani: Oo no apa. Ongoyon dahai di Lali posuango' ilo tua' rangalau hilo id balatak. Haro kanto hopod balatak ilo. Poilihon dahai ilo balatak hilo id sahau kanopi.
- Lali: Apa, kawasa oku mogowit dilo tua' rangalau mongoi sikul? Patahakon ku kumaa di tambalut om mongingia' ku?
- Tapa: Kawasa tomod Lali, mangai no posuango' mantad hilo id balatak polisitik om osonong ko mogowit do suab.
- Lani: Apa, ngoyo po dahai sunudai i tongosombol do mogongoi dilo tua' rangalau.
- Tina: Kada lihuai momisunud mogowit do poyanan.
- Lani: Baa.



Id tinimungan, intutunai ayat momoguno kawo boros ponuhuan om pongintaban. Pabantao id kalas.

Boros Punuhuan	Boros Pongintaban
Suangai	Limo





Basao'

Kumakap di Odu id Kampung

Ontok koundarangan do sikul, minuli i Sulina om tabang disido id kampung. Haro nogi duo tambalut di Sulina do tuminanud minuli. Minongoi yolo kakap di todū disido. Suminakai yolo do baas mini. Pisosorou po di Sulina kouroson di todū.

Korikot nopo yolo nga poingandad no i todū disido id natad. Tumabi yolo di odu. Ounsikou tomod i odu nokokito diolo. Kasalakoi po yolo om nokoundodorong toruhai, ongoi no i Sulina om i tambalut dau id dompuran di odu. Okito diolo i odu do maso momogiu do takano. Gigiū nopo nga iso kakamot do gunoon kasari di odu momogiu do tonsi guol i poroloton do takano. Miagal do sosonduk tagayo o kokitanan do gigiū dii. Winonsoi o gigiū mantad kayu. Osuayan i tambalut di Sulina nokokito di odu. "Odu, nunu ino poingigit nu?" ka di tambalut di Sulina do minuhot. "Iti nopo nga gigiū. Momogiu oku guol poroloton dilo takano," ka di odu suminimbar. Gigiū nopo nga iso kakamot do nuru haro id dompuran guugulu.

Nokoilo i tambalut di Sulina nunu komoyon do gigiū om nunu kogunoon dau. Onsikou tomod isido. Opoto no kaakan-akanan di takano nalangatan do guol. Kopongo po makan, minirikau yolo id pandatan miampai di odu.

Solinaid do sominggu yolo id kampung di odu. Nokosiwat yolo do tuminanud di odu minongoi pokisuduon. Ogumu suduon notimung diolo. Nokoumbal nogi yolo do mogonsok momoguno lanjāng guugulu. Nakabalajal yolo piipiro karaaralano' kopoposion id kampung di odu.



Basao' ayat om pilio' nung "Otopot" toi ko' "Au Otopot".

	Otopot	Au Otopot
1. Minuli i Sulina om tabang disido id kampung ontok tatau koundarangan sikul.		
2. Haro tolu tulun tambalut di Sulina do minongoi tanud muli id kampung.		
3. Momogiu i todū do takano momoguno sosonduk.		
4. Gigiū nopo nga iso kakamot miagal sosonduk tagayo o kokitanan.		
5. Solinaid do sominggu i Sulina, tambalut om tabang disido id kampung.		





Tondu Obingikum

Patikol *di* nopo diti nga montok;

1. Panakatanda do manansanganu.
2. Kopokitanan do misuai timpu nakatalib om baino.

Haro-haro no kaka di pogulu i haro songulun tondu do kasaasawo. Poingion isido om sawo disido id walai *di* tiwanon. Ii nopo kaka tondu dii nga obingikum tomod. Orikot nopo timpu do makan, okoro o taakan disido. Au isido oiyahan makan nga pabagalon nopo disido i naakan tu oikuman.



Insan tadau, minomirapa i tiwanon do balatung om sinamayan do tonsi manuk. Ii nopo rinapa dii nga korohian tomod di tondu do mangakan. Korikot nopo timpu minakan, okuri naakan tu oikuman. Kopongo po makan, pinosuang *di* tiwanon i topod rinapa id poriuik om pawantayo' no dau id paha.

Korikot po *di* tangatuong, ponsukab no kaka di tondu i poriuik om akano no dau i topod rinapa tu au nayahan minangakan. Tolon-tolonon nopo disido ii do mangakan tu orosian do okosupan. Kaawi nopo disido minangakan i rinapa, ongoi no kawagu isido odop tu nouuru no sowolok mangakan di rinapa balatung.

Osuab-suab po, pogonsok no takano i tiwanon tu kokorihon do mindahu. Ongoyo' no dau i topod rinapa nga nakakagang tu aiso no suang dii poriuik. Ponguhot no i tiwanon isai minangakan di rinapa. Gulu no suminimbar i tondu. Tinandasau dau ii tingau o minangakan. Otogod no i tingau nokorongou om pomopol no kaka i tingau do isai nopo minangakan di rinapa nga sunian do balatung o pusod. Ii nopo kaka tingau di nga osundu om koilo moboros.



Kapanau po i tiwanon, ongoi no sagou i tondu id torobong. Poinsaan dau duo watang tangga. Korikot po id torobong, korualai no isido do tian. Ongoi no isido pogihum do lisokon id soosodu tu mongoi pagawas. Sumingkudou nogi isido om ruol no tomod i tian gisom amu dau asaapan. Kosumpak om kahaba no i tondu. Ii no tinimpuunon di balatung sumuni mantad id pusod disido. Pomugamut no i balatung gisom narakapan i tinan di tondu. Mingodoi po i tondu miampai momogiak do mokiuhup. Haro songulun sumandak do miriirikot nogi mongoi sagou nokorongou om tangkus no minongoi pomisunud di tiwanon om sawo di tondu.

Nokopogulu i sawo di tondu nokorikot id torobong. Tungago' do disio i sinawaan disio nga au no milo. Murut-surut i gamut gumumu, tumongkop tinan di tondu. Korikot po i tiwanon, nokotongkop no i gamut id tinan gisom turos. Orongou po kasari diolo i tondu do maboros mokiampun kinasalaan disido kumaa di tiwanon om i tingau. Minamason nogi i tondu do monuhu di mogiigion hilo do mongotu di tua' dau. Ii nopo nga ralan kaka papagaan di koinggoritan dau. Nung aawi nopo do mongkotu i tua' balatung dii nga oompunan no kaka ngawi i kinasalaan disido. Mantad no dii, nosiliu ii sabaagi pomuhandaman kumaa mogiigion do au kawasa momudut kumaa wokon tu haro kaantakan di araat kumaa tinan sondii.



A. Susuyo' panandatan suai i momoguno patikol *di* id teks tangan.



B. Gonopo' panandatan id siriba momoguno patikol *di*.

Poomitanan: Inowit i tondu minuli id walai tiwanon dau.
Inowit i tondu minuli id walai *di* tiwanon dau.

1. Minogonsok do takano i tiwanon kosuabon.
2. Oopus i tiwanon sinawaan do tanak totuo diolo.
3. Nosunudan di kusai i molohing tondu konihab.
4. Pinosuang tiwanon i topod rinapa id poriuk om potimpako' nogi id paha.
5. Tuminungag i tondu id tangatuong tu kosorou mangakan topod rinapa.



Komoyon boros:

1. momopol – mimboros do boros taraat do poontokon kumaa tulun di karaatan
2. sumingkudou – kumuru



Momoli Kakamot dompuran



Gonopo' panandatan id siriba momoguno boros kikonsonan /d/.

Minongoi i Razi om tina disio id kakadayan. Momoli yolo do kakamot montok do suang dompuran. Korikot po id kakadayan, pomoli-moli no yolo.

Razi: Ina, nunu ngawi o kakamot bolion?

Tina: Momoli kito do kakamot (natad/dompuran) _____
Momoli oku nogi do pahandatan tu nakabing no i (laid/wagu) _____.

Razi: Oo, iri no bolion kito? Kawasa oku mokiboli do sokulat?

Tina: Kawasa bo. Au ko momoli kakamot id sikul?

Razi: Abagal po kakamot sikul ku ina. O', osorou ku nogi angarol no i (dangol/suduan) _____ id walai! Mogot momoli kito do pangasaan.

Tina: Otopot ino Razi. Momoli oku nogi do sosonduk tu togoron no i laid.

Razi: Ina, (daamot/pogulu) _____ nu mambalai. Mongoi oku hilo id boogian tangaanak.

Tina: O', no Razi (kanou/kada) _____ ongoi hilo id labus kio.

Kabalai po om pamanau no yolo do minuli.



Kakamot di Ina

Koilo kou nangku tonggungan do tina tokou tikid tatau? Loolobi po i suri lamin. Mantad oposik gisom do totuong nga au milo aawi-awi buruon diolo. Kanou soroho tokou poingkuro monolibamban do kobolingkaangan i otimbabaan diolo id walai.

Boros manahak sogu di milo okito id siriba:

- Poingkuro nung...
- Kawasa kanto...
- Nokuro daa...
- Osorou ko nopo...
- Osonong daa...

nababak gelas



Poingkuro nung momoguna i inai Ulin do gelas polositik.

mogihum sosonduk



_____ do posuangan om uludon o suang do laci tumanud kawo do kakamot.

naraag tulu paip



_____, nuru do momolohou i Inai Ulin do momoomonsoi do paip.

kobolingkaangan

nababak gelas

mogihum sosonduk

naraag tulu paip

sogu ponolibamban

Poingkuro nung momoguna i inai Ulin do gelas polositik.



Soroho' iso kobolingkangan molohing do okito dikoyu id lamin om suato' piipiro sogu di kosudong sabaagi ponolibamban.



NUUT MONCINGUA'

- Suhuon o tangaanak popolombus sogu di kosudong montok do monolibamban di kobolingkangan.
- Suhuon o tangaanak monuat panandatan momoguno boros manahak sogu.





Kanou monuat

Pogiumpakatan Koisaan Molohing om Mongingia'



Ponuat panandatan kinuludan MSO di kosudong do gambal id sawat.

Poomitanan:

MSO (Boros maan + Subjek + Objek)

Mogipaapakat o Koisaan Molohing om Mongingia' id sikul dahai.

1. Nokorikot – molohing – sikul ontok tadau dii.
2. Popolombus boborosan – Luguan Koisaan Molohing om Mongingia' – sinasawat
3. Nakaramit – Mamai – tutungkap songinan kaban tosogit id ponompurutan tikit kilumaag
4. Minakan ngawi – _____ – _____.
5. Minuli _____.



Poster Rilibu

Poomitanan:



NGARAN: RILIBU
KOGUNOON: PONIRI DO WAGAS
PINOMONSOI: TUAI, PORING OM WAKAU
BAKAANG ID DOMPURAN





Gigiu

2



Guntingon i kutak tumanud rulud.

3




Pisokoton momoguno gam.

4



Likupan do tisu i kibontuk gigiu pinisokot.

1



Ruludan i kutak tumanud bontuk gigiu. Momonsoi duo bontuk gigiu.




Kakamot Gunoon.

5



Samputan do sasamput kiwarana.

6



Replika gigiu di nopongo.




PONGINDOPUAN



Iloo' om Pibarasai



pongindopuan guugulu



pongindopuan baabaino



Nunu piagalan om pisuayan ralan mongindapu id gambal dilo?






Kinongho', intutunai' om poboroso' koluhoyon sistom barter.



Poomitanan:



Orumot popiolon do tayam tu au miagal ginayo.





Id Tomu

Limo ringgit o gatang do tolu wongkos.

Poingkuro ko papataran diti kinotuan?

Adada, apagon kopio gatang dilo punti!

Hopod ringgit o gatang diti.

Timbango' dii doho ino. Songkuro dii gatang?

Baa. Kada tongob. Poinziribaon ku do tokuri.

Poinziribaon' po doho o gatang.





Teknologi id Pongindopuan

Teknologi nopo nga iso' konsep i gunoon id kaganaan do sains om ponoriukan. Kawasa o teknologi do popoburu koposion tulun id mogisuusuai kaganaan miagal ko' pongindopuan. Baabaino diti, kogumuan di mongingindapu momoguno do teknologi, lobi-lobi no do teknologi Internet montok popoingkawas do pongindopuan.

Pongindopuan maya Internet kopogowit do piipiro waya di tosonong. Iso o waya tosonong maya pongindopuan Internet nopo nga ouhai om osikap. Osimbayan o tulun momoloyog Internet do momoomoli produk di korohian. Kawasa do momoli mantad lamin om id upis toi ko' nonggo-nonggo nopo kinoyonon i orikot do liputan Internet.



Suai ko' ii, maya do pongindopuan Internet kaanu nogi ii papataran popoilo kokomoi di produk. Ii tulun momoomoli di nga kaanu do koilaan. Oilaan o gatang, ralan om timpu kopomogunaan, warana, bontuk om suusuai po. Kawasa nogi do oilaan o kualiti di produk maya komi mantad tulun di nokopogulu nokopomoli. Mantad do komi dii, kawasa o tulun do momoli produk di kosudong.

Pongindopuan maya Internet, osiriba o kos om au orumot. Au tagal ii tulun do rumikot id kadai do mongoi pomoli. Kawasa do momoli maya *online* id telefon kandai toi ko' komputer. Montok di mongingindapu, kos kopolokuan nopo nga osiriba.

Sundung po do ogumu o kounalan do pongindopuan maya Internet, kiwaa nogi piipiro koluhoyon.

Kiwaa o tulun taraat ii momoguno do pongindopuan maya Internet mongumpadan do tulun suai. Sabaagi poomitanan, papalaku o tulun taraat do produk nga aiso ii produk kopio. Maan nopo do pamagayat tulun. Kohudsu o tulun do mambarai om au korikot i produk di binarayan.

Suai ko' ii, pongindopuan maya Internet nopo nga koindalan id kinoyonon di kiwaa o liputan Internet. Kinoyonon nopo di aiso o liputan Internet nga au kawasa do momoguno do teknologi diti.

Oponsol do tonudon o karaaralano' di kotunud momoguno do teknologi id pongindopuan. Mantad dii, kaanu tokou do ogumu kounalan do teknologi diti om koinsodu mantad waya taraat.



A. Simbaro'


1. Nokuro tu ouhai om osikap o karaaralano' pongindopuan maya Internet?
2. Poingkuro tokou do kaanu momili produk di kosudong id kopolokuan Internet?
3. Nunu komoyon do pongindopuan osiriba o kos om au orumot?
4. Patayado' koluhoyon do pongindopuan maya Internet?



Komoyon Boros:
kopolokuan – ralan popoilo do kounalan isoiso' produk mooi do agayat tulun momoli



B. Gonopo' peta pomusarahan id siriba.






Momoli Taakanon Maya Internet



Nunu maan nu, aka?

Mongudar oku do taakanon maya Internet.



Iti taakanon korohian ku. Osonong komi do tulun suai kokomoi taakanon diti.

Soira do barayan kito iti taakanon, aka?

Baa. Kano udaro' kito iti. Au alaid do magandang.

Barayan kito ontok aramit iti taakanon.



1. Nokoumbal kou nangku momoli maya Internet? Posunudo' toilaan dikoyu kokomoi momoli maya Internet.
2. Uludo' koilaan kokomoi proses momoli taakanon maya Internet id siriba.

- barayan o taakanon dii ontok aramit

- andadon ii taakanon minaan udaro'
- oilaan o timpu kapaatadan di taakanon

- pilion taakanon korohian
- iloon komi do tulun suai kokomoi do taakanon dii

- udaron taakanon di nopili





I Mamai Jamal Songulun Momumutanom

I Mamai Jamal nopo nga songulun momumutanom di aparu. Poingion isio miampai paganakan disio id Kampung Balatak.

Asaasarap po korikot no isio id kabun disio. Ogumu kawo do kinotuan tinanom disio. Sundung po tu au agayo tana **tinungkusan** mantad molohing disio nga kaanu kasari ii manahak asil maya pomutanaman. Asil tanom dii kaanu **mongoput** koposion diolo sampaganakan.









Ogumu winatang winonsoi disio montok pananaman di tongokinotuan. Minananom isio do mogikaakawo kinotuan miagal ko' sasayi, sangkung, sansam, tamatus om suusuai po. Tunguhan om luuban disio i kinotuan dii. **Orombung** ngawi kinotuan tinanom disio. Uhupan isio di sawo om i duo tanak disio do **mongihang** tongotanom id kabun dii.

Pataranon di Mamai Jamal ii konotuan insan sominggu. Uhupan isio di sawo om duo tanak disio papataran kinotuan dii. Ogumu tulun aanangan momoli do kinotuan di Mamai Jamal tu orombung om kosudong o gatang. Kowoowoyoon disio di **osuau** kagayat nogi do tulun momoli di kinotuan disio.

Ounsikou ginawo di Mamai Jamal di asil tanom dii. Tusin di aanu gunoon disio montok momoli kosuusukupan id lamin. Gunoon nogi disio ii tusin dii do poposikul di tangaanak disio. Au nogi disio olingan **potobilang** di tusin do maan timungo' om poopion id bank.



Tinduo' komoyon boros id teks.

- | | |
|---|---|
| 1. mongoput →  | 4. osuau →  |
| 2. orombung →  | 5. potobilang →  |
| 3. mongihang →  | 6. tinungkusan →  |



Intutunai Ayat MSOO

Minuhup i Zarul om i Minah di tapa diolo, i Mamai Jamal, id kabun kinotuan di ontok koundarangan sikul di minggu nakatalib.



Tupion nu iti tupi di ina.

Apa, aiso dii doho do tupi.

Kotoluan, apa.

Ayat kiwarana aragang nopo nga ayat kinuludan MSOO

Boros maan	Subjek	Objek	Objek
Tupion	nu	iti tupi	di ina.



Pinsingumbalai

A. Uludo' sisimbar tumanud nuludan ayat MSOO.



do pomoluub
ku iti kinotuan
sasadan

Apa, kuroyon nu iti kinotuan?




Apa, nunu pokiuhupan nu doho?

do kinotuan
doho
ino ponungu
sagahai

B. Ponuat panandatan tumanud nuludan MSOO.



1. _____



2. _____





Kanou Monuat

Maamaso o kalas Toun 5 Osuau mogibooboros kokomoi Bazar Sikul i pohoroon ontok minggu dumontol.

Posoguo' dikoyu nunu kawasa pataranon tokou ontok do tadau dii.

PIBARASAN KOKOMOI TADAU BAZAAR SIKUL

Kakamot dagangon:

1. _____
2. _____
3. _____

Alansan oku do sokodung mantad toinsanan do popoindalan do tadau bazar dii.

Luguan Kalas: Kopisanangan doungosuab kumaa mongingia' kalas, i Zandi Sharifah, om toinsanan tambalut. Isai kiwaa sogu nunu kakamot pataranon do ontok tadau dii?

Alina: Kawasa kanto do 

Oputai pibarasan dilo id buuk ponuatan.





Nawaawayaan id Bazar Sikul

Pinapaharo o sikul di Rodi do bazar id gana sikul. Ogumu garai papataran mogikaakawo nansakan, kakamot om suusuai po. Tuminombului i Rodi id garai kitema Dompuran Guugulu.

Rodi: Atukoi, olumis no iti garai nu inan!

Inan Jenny: Pounsikou ondu. Popokito ikoi do koubasanan guugulu.

Rodi: Miagal pama diti o tulun guugulu mogonsok.

Inan Jenny: Oo ondu. Misuai ralan mogonsok di guugulu om baino. Baino nopo nga momoguno no do gas om lotirik do mogonsok.

Rodi: Ropuhan pama pamarait do pagansakan kio inan. Mogonsok nogi o taki ku id kampung momoguno do ropuhan.


Inan Jenny: Sundung do nokomodén tokou no nga kada tokou lihuai i koubasanan guugulu.

Rodi: Kuroyon iti tangga, inan?

Inan Jenny: Ilo nopo nga sagahan do waig.

Rodi: Ogumu pama bakaang sandad di kagayat do iloon. Kotoluadan inan. Noinggumuan nodii toilaan ku.

Inan Jenny: Miagal nogi doid dia, ondu.



Id tinimungan, pomonsoi ponoriukan kokomoi bakaang dompuran sandad.





Intutunai om Pibarasai

tapako



tongkuzazaig



mangga



Pogibaabarasai

1. Nonggo kinoyonon sunion do susumuni ngawi diti?
2. Posunudo' o toilaan nu kokomoi susumuni suai i poinisuni id tana, id waig toi ko' pointapil id puun do suai.



Sudawil Susumuni



Kotuton o tunduk ku,
sasaon do mangakan,
i gosing o ngaran ku,
pongusap sadaanon.



I paka o ngaran ku,
sumuni koumaan,
losuon o hobut ku,
ponorimpuk do kuris.



Kiri-kiri o ngaran ku,
olonsi kosingudan,
losuon o gamut ku,
pongusap do longohon.




Tawawo o ngaran ku,
alaab o roun ku,
tonokon om podsuon,
pongidu tongus id tinan.

Tunduk, gamut om roun,
mogisuusuai guno,
kano iloo tokou,
susumuni di kousap.

Sinupu di: Evans Eliezer Medin



Pogibaabasai

1. Posunudo' o kogunoon do tikid susumuni di noroitán id sudawil montok kaganaan pongusapan.
2. Nunu boogian do susumuni id sudawil di kousap?
3. Posunudo' susumuni suai di kousap. 



Komoyon Boros:

1. sadaanon – boribison
2. ponorimpuk – popoimbulai
3. kuris – gandas di mimbulai poimpuli id tinan
4. hobut – tanak do paka di au po nakalabut id soribau tana





Basao' om Toinuo' Ijaan do Boros Ngaran

Tupolo

Tupolo nopo nga susumuni mantad kawo do kayu. Abaagi o boogian puun do tupolo kumaa tolu boogian kaampai no tuntu, guas om gamut.

Id boogian tuntu nopo nga kiraan tongokoro, roun, tusak om tua'. Tua' nopo do tupolo nga kirugi om osingud soira do aansak.

Sumusuhut nopo nga boogian do guas miampai raan di tangagayo. Iti no o sistom ponokodung do sunion montok puun diti. Boogian nopo diti nga wayaan do nutrien om waig mantad gamut kumaa doid tuntu.


Boogian gamut nopo nga papaampai do gamut om dalid. Gamut nopo nga ponsaralom id tana montok monosop do waig om nutrien mantad id tana kumaa doid guas. Ii nopo dalid nga ii gamut tangagayo i nakalabut id soribau do tana.

raan tongokoro,
roun, tusak om tua'

Boogian
tuntu

Boogian
guas

Boogian
gamut



Uludo' ijaan ngaran boogian puun tupolo id siriba tumanud ijaan di kotunud om pisudongo' miampai kointalangan di kotunud.

Boogian Puun Tupolo

a'tu
tua'

laidd

...

suga

...

unttu

...

tugam

...

Kointalangan

Boogian raan tongokoro, roun, tusak om tua'.

Boogian di monosop do waig om nutrien mantad id tana kumaa doid guas.

Kirugi om osingud soira do aansak.

Sistom ponokodung montok sunion do puun tupolo.

Gamut tangagayo di nakalabut id soribau do tana.

NUUT
MONGINCIA'

- Pokionuon o tangaanak do mongintutun om popolombus ngaran do boogian puun tupolo id gambal.

2.1.1






Susuyan di Songulun Tanak Kusai om Puun do Rangalau

Id iso' kampung, haro sompuun rangalau di aranggou miambalut miampai songulun tanak kusai. Asapou o tua' di puun rangalau. Monikid tadau, mamain-main i tanak kusai id sahou do puun rangalau dii. Soira do louson, mindakod isio mongoi pangakan do tua' di rangalau. Haro nogi timpu do koodop isio id dalid di puun rangalau.



Alaid no kaka do au nokorikot ii tanak kusai minongoi ambalut di puun rangalau. Insan tadau...



Koupu nopo di tanak ii tua' dii rangalau, pamanau no miampai au nodii nokoguli-guli. Piipiro toun notoliban...



Ounsikou ii puun rangalau tu nokoponguhup di tambalut disio. Poingkuro po, olungui ginawo disio tu au nodii nokoguli ii tanak wagu. Insan tadau...

Kaino no mamain miampai doho.

Tagado' no iti guas ku om wonsoyon no do padau.

Isai podii sipamain miampai dika? Sumiliu oku daa songulun lulumoyog di abantug.



Ounsikou tomod ii kusai miampai minanagad di puun rangalau om pamanau no au nokoguli-guli. Ii podii tuod do rangalau o noolu.



Ontok nokouli i kusai mantad id rahat...

Siou dia tu au oku minamagatang sontob kouhupan nu doho. Aiso nodii tambalut ku.



Aktiviti id tinimungan.

Polombuso' o woyo toluud mantad susuyan id sawat miampai manahak poomitanan mantad kowoowoyoo' di puun rangalau om i tanak kusai. Gunoo' peta pomusarahan di kosudong.



Intutunai Boros Popionit

Boros popionit nopo nga gunoon ontok popionit do duo toi ko' lobi boros, frasa om ayat. Gunoon iti id gulu toi ko' id tanga do isoiso' ayat.


Boros Popionit	Poomitanan Pomogunaan
om	Mangakan i Doni do tua' bundu. Mangakan i Fred do tua' bundu. Mangakan i Doni om i Fred do tua' bundu.
tu	Nahaba ilo guas do gata. Noriou no ilo guas do gata. Nahaba ilo guas do gata tu noriou no.
mooi do	Minggoos i Gloria <u>ba</u> lajal. Kalantoi i Gloria id panaasan. Minggoos i Gloria <u>ba</u> lajal mooi do kalantoi id panaasan.
nung	Kalantoi ko id pialaan dii. Aparagat ko minluda. Kalantoi ko id pialaan dii nung aparagat ko minluda.
toi ko'	Kouli oku do suab. Kouli oku do suab diino. Kouli oku do suab toi ko' suab diino.



A. Intutunai om suato' kawagu ayat di minomoguno boros popionit doid teks id siriba.

Kukuanga

Kukuanga toi ko' *Nepenthes spp.* nopo nga susumuni karnivor i pionsuni id piipiro kinoyonon do pogun Malaysia. Pionsuni o kukuanga id tana di haro asid om au oruak. Pionsuni nogi o kukuanga id tana di okuri o nitrogen.



Kukuanga nopo nga nointutunan sabaagi susumuni di haro o kabang. Gunoon o kabang dii montok mamagamit om mangakan do songongi miagal ko' kilau. Au kalabus o songongi tongokoro nung kosuang id kabang do kukuanga dii.



Koubasan nopo nga gunoon do tulun o kukuanga montok pagansakan do takano pilit. Sundung do ingkaa, pokionuon o tulun ginumuan moo*i do* au no momoguno kukuanga montok pagansakan. Oduhan o tulun ginumuan momoguno do kukuanga montok pagansakan do takano pilit tu muri-kuri no susumuni diti id pomogunan.



B. Gonopo' pangaan momoguno boros popionit di kotunud.

om







nung

mooi do

miampai

toi ko'

tu

Norikot nodii timpu magadau. Rumiou no ngawi tanom id kabun  alaid no au narasaman. Tumongob no ginawo di Inan Robina  i Gaman Toni. Aiso o pogonuan diolo do kousinan  aiso asil totonomon do pataranon. Momusorou po yolo karaaralano'  au oriou ii tongotanom diolo. Tikid kosuabon, mumbaya yolo sumago id sogohon momoguno do tangga  baladi montok ponungu do tongotanom diolo. Sumambayang nogi yolo  lumansan do karasam id timpu do toruhai.



C. Posuato' kawagu ayat sumusuhut momoguno boros popionit di kosudong.

- 1 • Oonsok ilo parai pinosidang ku.
• Alasu o tatau do baino.
- 2 • Aanangan i Mailin mangakan do tupolo.
• Aanangan i Mazlan mangakan do tupolo.
- 3 • Tumimpuun yahai mongomot do baino.
• Tumimpuun yahai mongomot do suab.
- 4 • Nosopi raan dilo timadang.
• Opuhod o tongus kosodop.
- 5 • Ansaron di Nana ilo tanom disido.
• Au di akasou do manuk ilo tanom di Nana.



D. Pomonsoi ayat momoguno boros popionit om, tu, mooi do, nung om toi ko'.



Tapako Koundorosi

kobubus

pinuhobo

mibobog

nahaba

bambangan

tobuk

Insan sosodopon, minongoi i Dison pokiloho do tua' _____. Minamabo isio do wakid montok pamabaan loho bambangan dii.

Maamaso di Dison momirumpos dii loho do bambangan, korongou no isio do tuni miagal dii _____ om kopiahid. Osuayan tomod i Dison tu au ii' koubal do haro o orongou disio miagal dii.

Pingkorowo no i Dison mogihum tadon do tuni dii. Tigog ka nga kokito disio haro miagal-agal _____ di anaru mintawos mantad id tuntu do bangid. Norikot no modosi i Dison tu ondodisio om monompurolosi.

Tongkiadai nopo di Dison ii wakid disio kisuang do bambangan om panangkus no miagal gontui nopututan tikiu minuli id lamin. Ii nopo wakid di Dison nga _____ om _____ no kawagu ii tua' bambangan di norumpos no disio.

Korikot po id lamin, posusuyo' no di Dison o kinaantakan dii kumaa molohing disio. Osianan no i tina di Dison kokito disio tu hano-hano no om au kosondot o _____. Angatai no di tapa di Dison isio minongoi pongintong kawagu di pinodosi disio.

Soira nokorikot id kinoyonon pokilahaan do bambangan, tingahao' no di tapa di Dison ii bangid. Nokito disio i roun tapako noriou no do mintawos om mingkapoi. Ii nopo norongou di Dison do mibobog nga i roun tapako di miau po do kopibobog. Monosol i Dison tu au minongimuai kopio. Okon nopo ko' nohuyan isio minuli hilo id lamin nga nohuyan nogi isio minomuhu kawagu di bambangan nongoliid.



Intutunai no o ngaran do susumuni id posorili nu.



Dalai

Dalai nopo nga susumuni mantad kawo sakot. Koubasan nopo nga sumuni o dalai id kinoyonon di oyopos-yopos miagal ko' id disan do palu-palu. Dalai nopo nga kiguas do otulid om kiroun kaagal-agal roun do luong. Tua' do dalai nopo nga kaagal-agal do manik om okilou kokiikitanan. Ii nopo tua' nga okodou om haro luang id tanga. Kawasa do sakagon o dalai maya do tua' toi ko' tanak.



Ogumu o kogunoon do dalai kaampai no id gana pongusapan. Guas nopo do dalai nga kawasa silihon do tolonsi montok pongusap do longohon. Ontok nopo do longohon, kawasa do tingkolosuan momoguno waig talasu i boogian guas dalai di tomulok po om inumon soira do asangalan. Suai ko' ii, kawasa nogi do sasaon ii guas di tomulok om tolonon ii waig di sinasa.



A. Gonopo' jadual id siriba momoguno do koilaan di orongou nu daamot mokinongou do audio kokomoi dalai.

Ngaran	Koulaalaho'	Kogunoon	Karaaralano' Momoguno
•	• Kiroun kaagal-agal roun do luong.	• Pongusap do longohon.	• Tingkolosuan do waig talasu.
•	•		•



B. Poindalano' o ponimungan koilaan maya Internet toi ko' maya ponurubungan kokomoi susumuni sandad di ogumu kounalan id gana pongusapan tumanud toilaan tinaru Kadazan om Dusun. Wookon nopo do koilaan di kawasa do ihumon nga kaampai no ngaran, koulaalaho', kogunoon om karaaralano' momoguno do susumuni dii.





Momonsoi Golong mantad Tua' Dalai



Kakamot:

1. Tua' dalai di nokotuo.
2. Banang toi ko' tansi.
3. Gunting.
4. Baman
5. Dalat



Laang Kotingoligan:

- Intang-intangan momoguno kakamot di atarom. Kada songkoililai do dalat om gunting nung au gunoon.
- Intang-intangan do ohorob dii guas dalai di nababar.

Laang 1:

1

Posuluhon i banang id dalat om potimbogoson id tompok.



Laang 2:

2

Posuluhon i dalat id piipiro tua' dalai mantad id koupuan. Posuluhon gisom kotutuk do lunggayan o ninaru di sinulu.



Laang 3:

3

Posuluhon i baman id kopupuson dii dalai sinulu om timbogoson. Potodon o tompok di banang momoguno do gunting.



Golong mantad tua' dalai di nopongo.



Nunu kounalan o puun dalai id gana pongindopuan?



MOMOGOMPI OM MONONDULI



Kinongoho' om Polombuso'



Kinongoho' audio pinotounda.



Sabaagi sukod wagu, tungkusai om poburuo' tokou no tinunturu sandad pogun.



Polombuso' woyo toluud mantad kointalangan id audio.



- Suhuon o tangaanak mokinongou audio.
- Suhuon o tangaanak poposunud woyo toluud di norongou mantad teks.





Polombuso'

Lagit Pomolidang do Bawang



Pinsingkanaai popolombus forum id siriba.

Ponorikohon

Forum: Kopisanangan kumaa mongingia' om tambalut toinsanan. Kotoluadan kumaa Minamangun tu minanahak kosiwatan do tadau baino. Noilaan tokou no kobolingkangan di notoguang tokou kokomoi koyomutan do bawang. Orohian oku popointutun di panel forum tokou tadau baino, id ponong gibang ku nopo nga i Myra om id ponong wanan ku nopo nga i Fadly. Tudu nopo do forum tokou kosuabon diti nga lagit sinimbulugu. Polombuson ku poguhatan kopogulu kumaa di Myra. Nunu pinomonsoi do lagit sinimbulugu?

Myra: Kotoluadan kumaa di ponorikohon forum. lagit sinimbulugu nopo nga winonsoi mantad lagit, waig do wagas, parok om waig do *Effective Microorganisma* (EM). Kawasa do ihumon tokou maya Internet o komoyon do *Effective Microorgasnima*.

Ponorikohon

Forum: Nunu o kounalan do lagit sinimbulugu montok bawang?

Myra: Agayo o kounalan do lagit sinimbulugu diti montok momolingos om mononduli konitingo' do bawang.

Ponorikohon

Forum: **Adada, baino oku nogi nokoilo o kogunoon do lagit sinimbulugu!** Pokinongoho' tokou po mantad di Fadly. Poingkuro karaaralano' momonsoi di lagit sinimbulugu?

Fadly: Kotoluadan kumaa ponorikohon do forum. Pilongoton toinsanan bahan i noroitin di Myra dii id bisin om silihon do doh. **Bulugun soroirad-irad do tonggom om posidangon gisom do otuu.**



Ponorikohon

Forum: Kotoluadan kumaa di Fadly. Okito ku haro po poborosan di Myra. Kinongoho' tokou.

Myra: Kotoluadan. Montok kopoilaan kumaa mokiikinongou ngawi, agayo o sokodung mantad porinta do papapanau program miagal diti.

Ponorikohon

Forum: Tamangan tokou no kasari o bawang tu bawang nopo nga waig koposion id pomogunan. Nung ososomu o bawang, au no milo gunoon o waig dau. Gisom no hiti o forum di baino. Alansan oku do mogiuhup-uhup tokou manamong do kolidangan bawang. Kotoluadan kumaa di Myra om i Fadly tu nokosiwat minampai id forum diti. Kotoluadan.



Polombuso' panandatan toomod, panandatan pongudio om panandatan kotigagan mantad teks forum.



Koyomutan Tana

Koyomutan tana nopo nga iso kawo koyomutan posorili di aantakan mantad kapataaman siamut di au oulud. Suai ko ii, niada do toksik, tumau mantad id kilang om padsakayan i nokotuntug doid id isoiso koyonon nogi mogowit koyomutan tana. Haro nogi momumuutanom momoguno do tubo kimia montok momunso do sakot id kabun.

Koyomutan tana nopo diti nga popohompit do kosimbanon do warana om koruakon do tana. Koimaan ngawi nopo dilo nga kopogowit do kotutukon di au osonong kaampai no kosubu do korolihan tongoruol-ruol. Oowit do mangakangan miagal ko lipos, langau om kuman o toruol-ruol kumaa taakanon do tulun om kopogowit do kaantakan kowonitan taakanon. I nopo tana di otuntugan do toksik, rasun om tumau nga au no oruak montok sunion do totonomon om kinotuan.

Poingkuro po, aanu tokou monolibamban o koyomutan tana diti maya do Pongia'an Kinoyonon Posorili montok popoingkawas korotian om toilaan do mogiigion moo do lobi mamagatang do kolidangan om kolidasan posorili. Kawasa nogi poindalanon o Kimpin Momudali Kawagu montok popoilo do tongotulun kokomoi koponsolon manamong posorili. Kopogiratan do kooturan kinoyonon posorili nga oponsol nogi moo do orologo o tongotulun papanau do nunu nopo abaabayan di kayamut do posorili. Media massa nga kitonggungan tagayo montok poporomut om popoilang koilaan om pononsunudan kokomoi manamong kinoyonon posorili.


Gatango' om gompio' tokou no sandad posorili montok potungkusan kumaa sukod wagu id timpu dumontol.





Simbaro' poguhatan id siriba tumanud koilaan mantad teks.

1. Nunu o komoyon do koyomutan tana?
 - A. Koyomutan tana nopo nga kaantakan do pomogunoon tana posorili.
 - B. Koyomutan tana nopo nga kaantakan kopoimamangan do bawang.
 - C. Koyomutan tana nopo nga kaantakan do au mananom kinotuan.
 - D. Koyomutan tana nopo nga kosimbanon do warana om koruakon do tana.

2. Pilio' waya koyomutan tana.
 - A. Koyomutan tana nopo diti nga kapangantob dati do momutanom.
 - B. Koyomutan tana nopo diti nga osiliu kobolingkangan kumaa tongotulun.
 - C. Koyomutan tana nopo diti nga popohompit kosimbanon do pogun tokou.
 - D. Koyomutan tana nopo diti nga popohompit do kosimbanon do warana om koruakon do tana.

3. Koimaan di au kosubu do koyomutan posorili nopo nga _____ 
 - A. kapataaman siamut di au oulud.
 - B. panagadan do kayu di adalaan.
 - C. papataam do siamut id poyanan siamut.
 - D. topod toksik mantad kilang i kotuntug id tana.

4. Kawasa do tolibambanon o koyomutan tana diti kaampai no maya _____ 
 - A. Pongia'an Kinoyonon Posorili.
 - B. Poingia'an Kinoyonon pogun.
 - C. Pongia'an Kinoyonon Sikul.
 - D. Pongia'an Kinoyonon Talun.

5. Boros 'koruakon' id teks nopo nga milo alanan do boros _____ 
 - A. kotomohon
 - B. kosindakon
 - C. kolidangon
 - D. koluubon



Pomolopot do Takano

Pomogunan nopo do baino nga ogumu no kakamot di kawasa gunoon montok popouhai kalaja tokou tikid tatau. Ogumu momoguno do polositik montok poyanan do kokoriu. Opurimanan tokou nangku nunu otimbabaan do pogun tokou ontok timpu dumontol nung au tokou undarangan iti pomogunoon do polositik? Pointantu no do kotoguang tokou kobolingkangan momunso do siamut mantad polositik.



Mantad dii, nuru momusorou mogihum do ralan montok mononduli kolidangan diti pogun tokou. Iso' nopo karaaralano' kawasa tokou pohoroon montok popotungkus kolidangan pogun tokou, nga gulion tokou kawagu pomogunoon do roun sabaagi pomolopot do kokoriu. Maya diti, alansan do muri-kuri no siamut mantad polositik id pogun tokou. Suai ko' ii, opoto nogi kaakan-akanan do linopot loolobi po do nalangatan do guol.

Haro mogisuusuai roun pomolopot do takano. Ii nopo koubasan do roun gunoon nga roun do kobu, tintap om doringin. Soomonu, haro nogi momoguno roun do punti. Kopomogunaan nopo do roun diti nga tumanud nogi di kawo puun i poinsuni id isoiso' kinoyonon.

Baino, haro no papataran roun pomolopot takano id badi. Awasi no daa momoguno tokou do roun montok pomolopot takano.



Pisudongo' frasa sumiliu ayat kokomoi koilaan mantad teks.

- Kakamot pomolopot polositik • papataran pomolopot takano.
- Mogihum ralan monolibamban • pomolopot kokoriu mongoi kalaja.
- Momoguno roun montok • popouhai kalaja tokou.
- Mogisuusuai kawo roun • kobolingkangan kokomoi siamut polositik.
- Baino nopo nga haro no • gunoon montok pomolopot takano.





Ayat kinuludan MSMO(Maan + Subjek + Maan + Objek)

Poomitanaan: Puhuon di Mamai Udin om posuangono id karung o rinomos.



Kounalan Bawang di Olidang

Bawang nopo nga iso' kinoyonon sandad pogun i nosiliu tudan kopooposion do mogiigion id pomogunan. Ogumu o kogunoon do bawang id koposion tokou tikid tadau. Modsu om momupu tokou momoguno waig do bawang. Suai ko' ii sada, tuntul om tongkuyu id bawang nga kawasa tokou akanon.

Poingkuro tokou momogompi suang do bawang mooi do atampasi kasari o mamaamasi id bawang? Apasi suang do bawang maya do tagal toi ko' bombon i pohoroon id isoiso' kampung. Iti no ralan do momogompi om papasakag di mamaamasi id bawang. Nung atagal o bawang, au kawasa monginsada i tongo tulun kampung poingion id posorili kinoyonon do bawang dii. Ukabon o tagal montok maganu di sada tumanud batos di nopogiupakatan.

Haro nogi tulun di popoburu do *homestay* id toning do bawang. Lidangon om gompion diolo id posorili kinoyonon di *homestay* mooi do olumis om osindak id disan do bawang dii. Ogumu tutumombului mantad posorili toi ko' mantad labus rumiket do modtuongis miampai paganakan diolo. Osiliu nogi o *homestay* do iso' ralan pongindopuan montok mogiigion posorili id kampung.

Ogumu o kounalan do bawang kumaa dati. Momoguno tokou waig do bawang monikid timpu. I nodii, nuru gompion tokou o bawang mooi do oguno tokou ii sogiigisom.



A. Ihumo' om suato' ayat suai kinuludan MSMO mantad teks.



B. Ponuat 5 ayat sondii momoguno nuludan MSMO.



Suato'

Intutunai Kayu id Talun



Nangatan di Mamai Tajul i tanak disio minongoi takad do nulu id somok kampung diolo. Id tindalanon, nokito i tanak disio ogumu kayu do angagayo om angakawas. Muhot i tanak disio do ngaran tongokayu dii. Potudukon di Mamai Tajul o kawo di tongokayu di nokito diolo. Suai ko' ii, sinunudan nogi di Mamai Tajul i tanak disio kokomoi karaaranon momogompi do tongokayu id talun.



A. Intutunai om suato' kawagu boros i kipimato /d/.



B. Gonopo' panandatan momoguno boros kipimato /d/.

natagadan

tudan

managad

okodou

suuon

1. Pogoduhan do porinta o kayu id talun pinoindai.
2. Kawasa onuon o raan tongokoro om noriyou silihon do .
3. Kayu nopo pomonsoi do walai nga nuru pilion ii kayu di .
4. Otingolig nopo talun nga atampasi o do waig tokou.
5. Tanamai no kawagu kinoyonon di mooii do otonduli o kayu id talun.





Kanou Monuat

Kopoimamangan Bawang


Asarap po, posikai oku no di tabang ku. Mangangat i tabang ku mongoi pogintong di bangkala pinataan di tapa ku hilo id sarayo. Orulan yahai papanau do bosikal tu orumpad o watu id talun-alun.

Osuayan i tabang ku nokokito haro waya ruda korita id talun-alun. Aiso korita suai maya talun-alun dii suai ko' korita di mongoi pomoli gata insan do songwulan.

Tigog ka do angatai oku di tabang ku luminisok id disan di talun-alun. Nokokito yahai luri poundorong id disan do bawang.



Pomonsoi ayat kinuludan MSO tumanud gambal id siriba.



Popolintuhun i tulun do dorom.





Kolumison Pogunku

Binabang dilo tadau,
tumitiu pomogunan,
tombolog monsul-onsul,
kagayat do ginawo.

Kurahas dilo bawang,
oniting do lumuyung,
sada sangkaau-kaau,
koinsasamod do mintong.

Tambalut toinsanan,
tamangai kolidangan,
sinindak pogun tokou,
potungkuson sinakagon.

Momogompi posorili,
piisoo o ginawo,
posoro ho toinsanan,
mononduli korumbakan.

Roiton sinupu di: Katia Mapaas



Polombuso' i orotian nu mantad tikid bangki do sudawil.

SANDAD POGUN



Kinongoho' om Pibarasai



I Tadau om i Tongus



Maid-laid nga masu-lasu dii topurimanan dii tanak wagu. 😊



Pogibaabarasai om pinsingkanaai koowion do tangan id audio.



NUUT MORCINCIA®

- Uhupan o tanganak poposogu do koowion do tangan norongou id audio.





Kinongoho' om Iloo'



Buluntung



A. Polombuso'



B. Potolinahaso' poingkuro do osiliu o buluntung?



Gatango' kolumison tahak Minamangun.





Magapon id Bawang



A. Posunudo' kobolinkangan norongou dikoyu.



B. Posoguo' ponolibamban do kobolinkangan dii.





I Rogon om I Mamai Sirom

Di nopo di pogulu po, haro iso walai id tanga kopuruan. Puru nopo di nga osodu mantad do kawalayan. Poingion nopo do walai dii nga paganakan di Mamai Sirom. Aanangan yolo do momuwalai id tanga puru tu ogumu dupot id talun dii. Osogit o kinoyonon di tu nosorili do puru. Poingoros o walai diolo do bawang. Bawang nopo di nga tadon koonuan do waig om tongosada. Suai ko' monginsada om mongindupot, momutanom nogi yolo do tongokinotuan om parai. Osogit o longon di Mamai Sirom.

Insan minsosodop, minongoi i Mamai Sirom sulok dii bawang. Minongoi isio ponginsada. “Baino nopo nga intonodon ku mantad hilo id sarayo om pougusan”, ka disio minimboros. Kasaasari nopo do monginsada isio nga au osodu kopio tu ogumu sada do aanu.

Ugus nodii kaka i Mamai Sirom do bawang dii. Timpuun no disio do monginsada. Mingundalo isio id bawang dii miagal kasaasari. Ogumu o botung di aralom poingompus do bawang dii. Piguuguliai no daa disio popoundalo di tundalo nga nosuayan tomod isio tu aiso sada oundalo disio. “Atuk, kamps barait no muli nung aiso sada!”, ka disio.



Titihon' disio i waig nga ogumu o sada sangkaakau. Maamaso disio do mintitu, kotitiu disio o iso rogon di agayo. "Au ko kawasa do monginsada hiti", ka di rogon do minomisunud. "Nokuro tu au kawasa? Talun nopo diti nga puhawang do Minamangun kumaa toinsanan. Isai-isai nga kawasa do monginsada hiti", ka di Mamai Sirom au monokiala. "Kano miala. Isai nopo aala, au kawasa monginsada hiti", ka di rogon. "Kano no", ka di Mamai Sirom. "Ia nopo nga mamalangga diti watu tangagayo id bawang. Yoku nopo nga mamalangga dilo rombituon id tawan. Isai kopogulu do kalangga pogulu do numawau nga ii no kalantoi", ka di Mamai Sirom minanahak do kooturan. "Baa", ka di rogon. "Iso...duo...tolu!", ka di rogon do pinopotimpun.

Sikapai di rogon do mangakat dii watu. Agaras i Rogon tu agayo tinan dau. "Iso rombituon, duo rombituon, tolu rombituon...", ka di Mamai Sirom tuminimpun mongintob di rombituon id tawan.

Au alaid mantad dii, kiikiro do numawau no katagak ngawi ii rombituon. Nohuyan nodi ii rogon nga au po naawi-awi ii watu kakaton dau. "Oi rogon, naala ko no. Naawi ku no yoku mamalangga ilo tawan nga au nu po naawi mamalangga iti bawang", ka di Mamai Sirom.

Mantad dii do minokiampun ii rogon kumaa di Mamai Sirom. Mininsud dii ii rogon suminulok dii bawang. Kawasa nodii i Mamai Sirom do mogundalo id kinoyonon dii.



1. Nokuro tu minomuwalai o paganakan di Mamai Sirom id tanga kopuruan?
2. Poingkuro o paganakan di Mamai Sirom do mogihum taakanon?
3. Nokuro tu minangangat i rogon di Mamai Sirom do miala?
4. Patayado' kowoowoyoon di Mamai Sirom.



Bawang om Tulun

Bawang nopo nga sandad pogun i nuru do tamangan mooi do au atagak o fungsi kumaa do maamasi id pomogunan.

Bawang nopo nga koonuan do waig olidang montok gunoon id walai. Mantad di pogulu gisom baino, momoguno o tulun do waig montok pomupu, pogonsok om podsuon. Au koumbal do sumimban o fungsi do bawang kumaa do tulun, sundung do nokosimban o ralan maganu do waig. Baabaino, au nodi orumot o tulun tumakad om rumuhuk do mongoi sagou id bawang tu poluyungon i waig do bawang kumaa id kinoyonon maya paip.

Oponsol o bawang montok do pomutanaman miagal ko' parai om tongokinotuan. Waig bawang ii lumuyung mantad id sarayo mongowit do ogumu nutrien montok do tanom. Tana ponong sawa, i oluyungon do waig kinutrien oluub do pomutanaman parai. Suai ko' ii, gunoon nogi o waig do monungu tongotanom miagal ko' kinotuan.

Ii di pogulu po, pomuwalayan nopo do tulun guugulu nga id disan do waig toi ko' bawang. Oponsol o bawang sabaagi sistom piromutan sandad loolobi po do kumaa kinoyonon di au orikot do talun-alun. Ogumu kinoyonon id pogun Sabah om Sarawak momoguno do padsakayan waig miagal do padau, feri om suusuai po do mongoi id iso-iso kinoyonon. Gunoon nogi o sistom padsakayan waig do mogowit asil tanom di pataranon miagal do kinotuan, tua'ua' om suusuai po.

Oponsol o waig montok tionon do mamaamasi waig miagal ko' sada, gipan om suusuai po. Mamaamasi waig diti kaanu popotimporon do ekosistom sandad. Suai ko' ii, oponsol nogi o bawang sabaagi tadon koonuan protein montok do tulun.


Bawang nopo nga tadon koonuan do lotirik maya hidrolotirik. Pogun tokou kaanu do rasam di ogumu monikid toun, i kogonop do gunoon id hidrolotirik. Oguno o lotirik id nonggo-nonggo kinoyonon miagal ko' id kilang om id upis.

Mantad koponsolon do bawang kumaa do maamasi id pomogunan, nuru do tamangan om tingoligan ii mantad koyomutan. Nuru do kitonggungan o koinsanai tulun mooi do kotungkus o bawang di olidang kumaa sukod wagu.





Gonopo' peta pomusarahan miampai koilaan di kotunud.





Ihumo' Rati Tukadan

Tukadan nopo nga boros di pinoinukod do kowoowoyoon id posorili montok poninukadan kopooposion do tulun. Inimoto' poomitanan maya pibarasan id siriba.

Posunudo' doho o rati do tukadan diti, Richard.

Kinawas nopo dilo Nulu Kinabalu nga kosunggu do tawan.

Bayahan Richard. Kotunud no rati dino.

Baa. Polombuso no tukadan komoyon nu. Rotion ku.

Noilaan ku no, Jasni. Noindaman kinawas Nulu Kinabalu ka do rati dino.

Jasni

Richard



Pibarasai rati tukadan.

1



momobog bolobou

2



monguni no tongil

3



miagal tingau om tasu

4



araat kadat





Gunoo' tukadan di kotunud montok momogonop susuyan id siriba.

orikot do dulaan

oniba ginawo

okubong tipus

au asalakoi tongkuyu turos

miagal fiasan waig talasu

I Tadau om i Haun

Haro no kaka di guugulu po, miambalut kaka i Tadau om i Haun. Ogirot tomod piombolutan diolo.

Insan tadau id iso pomukiiman.



Id pomukiiman dii kiwaa songulun tanak di .



Olunggu i Tadau nokorongou boros di tanak dii. Nosianan i Haun kumaa di Tadau. Insamakai no di Haun i Tadau.



Nosianan i Haun nokorongou do kolunguyan di Tadau. Ihad nodii kaka i Haun.





Boros Popionit

Boros popionit nopo nga boros i gunoon do popionit do duo toi ko' lobi boros, frasa om ayat. Gunoon iti id gulu toi ko' id tanga do ayat.

Poomitanan:	mooi do miampai	om toi ko'	nung tu
--------------------	--------------------	---------------	------------



A. Ihumo' om inomoto' kopomogunaan boros popionit id pangaan siriba.

Tenom, 24 Mirod – Pinapaanjul o Kalab Lestari Alam Sekitar SK Pangalat do Minggu Alam Sekitar miampai sokodung di Koisaan Molohing om Mongingia' (PIBG).

Soginumu do tolu nohopod o molohing tangaanak sikul om hatu tangaanak sikul minampayat id abaabayan dii. Ounsikou i Luguan Mongingia' sikul tu ogumu molohing tangaanak nokotindapou ontok minggu dii.

Pinaanjul o abaabayan dii montok manahak koilaan kokomoi sandad pogun mooi do lobi koingkawas kopurimanan tonggungan sandad pogun di isoiso mogiigion pogun. Orumbak o kolumison sandad pogun nung au pasarabakon o topurimanan di oupus sandad pogun. Ogumu koilaan toi ko' ponontudukan naanu dii minampayat id abaabayan dii.



B. Pomonsoi panandatan momoguno boros popionit tumanud gambal.

1



2



3



4





Inomoto' om iloo' koilaan id siriba.

Koimaan Tawasi montok Momogompi Sandad Pogun




1

- mongowit kantung sondii nung mongoi pomoomoli
- kawasa rumomuk o kantung om au kayamut do pomogunan



2

- mongowit do kontena mantad lamin do mongoi sikul



3

- pisokon ngawi lotirik nung au gunoon



4

- momoguno pamarabuk organik id pomutanaman



5

- pootodon kakamot au no gunoon id longkod pomudalian kawagu

Gunoo' koilaan id sawat montok monuat piipiro pangaan.



3.3.1



Sandad Pogun

Tudodoi...
pogun tokou olumis,
nponu do koimayaan,
tungkus sandad pogun oluub,
puhawang do Minamangun.


Tudodoi...
olumis silau dilo tadau,
tumitiu do pomogunan,
tombolog sonsinding-sinding,
rumamit do kanawahon.

Tudodoi...
lumoyog sada id bawang,
oniting o kokitanan,
roun sansayau-sayau,
manahak kotoronongon.

Tudodoi...
tamangai sandad pogun,
ilago o kopunsoon,
misompuru do popoburu,
tungkuson do sukod wagu.

Sinupu di: Nathaneille Patrick





RM20.00

ISBN 978-983-49-2842-1



9 789834 928421

BT225001